

四庫全書薈要·乾隆御覽本

經部

欽定四庫全書薈要

經部
爾雅注疏卷八

詳校官主事銜臣徐以坤



爾雅注疏卷八

原目卷下

晉郭璞注

唐陸德明音義

宋邢昺疏

釋草第十三音義

草亦作艸說文云百卉也從艸
二少少讀若徹象草木初生說

艸

作艸隸變作艸七老切百卉也又曰象野草莽蒼

之形說文別有草字自保切云草斗標實也一曰象
斗子徐鍇曰今俗以此為艸木之草別作阜字為黑
色之阜案標實可以染帛為黑色故曰草通用為草
棧字然則此篇辨百卉之名見於
經傳者當為草木之草故云釋草

崔山韭茗山蔥勤山齏蒿山蒜注今山中多有此菜皆

如人家所種者蒼蔥細莖大葉音義

崔羊六反韭居有反說文云菜名也

一種而長久故曰韭象形在一之上一地也蒼古百反

蔥本又作葱音聰勤字又作剗巨盈反齷戶界反又作

薤說文云菜也菜似韭故從韭也蒿力的反蒜而亂反

說文云葷菜也一本云菜之美者雲夢之葷菜種之用

反莖戶耕疏此辨四種菜生山中與人家所種者異名

反或作英韭也韭說文云菜名一種而久者故謂之韭

象形在一之上一地也生山中者名葷韓詩云六月食

藟及葷是也蔥說文云菜名生山中者名蒼細莖大葉

者是也齷說文云菜也葉似韭生山中者名勤蒜說文

云葷菜也一云菜之美者雲夢之葷菜生山中者名蒿

薺山薺注廣雅曰山薺當歸當歸今似薺而粗大音義

薺方夷反郭布革反疏說文云薺草也生山中者一名

薺古芹字巨斤反薺一名山薺色白者名白薺下

文薛白蘄是也生平地即名蘄案廣雅張揖撰以廣爾雅之闕漏也曰山蘄當歸者言即今藥草當歸案本草當歸不言名蘄及山蘄是即以時驗而言也故郭云今似蘄而粗大言似平地蘄而差粗大耳

椶木槿櫬木槿注別二名也似李樹華朝生夕隕可食

或呼日及亦曰王蒸音義椶徒亂反槿音謹下同櫬楚

放此隕于敏反日疏此別椶櫬是木槿之二名也某氏人逸反蒸之仍反云別二名也其樹如李其華朝生暮落與草同氣故在草中鄭風云顏如舜華陸璣疏云舜一名木槿一名櫬一名椶齊魯之間謂之王蒸今朝生暮落者是也郭氏云可食亦呼日及五月始華故月令仲夏云木槿榮

朮山薊注本草云朮一名山薊今朮似薊而生山中楊

抱薊注似薊而肥大今呼之馬薊音義

術徒律反本或作茱薊古帝反

下同察本草術一名山薊一名山連一名山

疏

此辨薊生山中

蓋廣雅云術薊也抱沈音孚又音浮又音包

及平地者名也生平地者即名薊生山中者一名術本

草云一名山薊一名山薊一名山連陶注云有兩種白

術葉大有毛甜而少膏赤術葉細小苦而多膏是也

其生平地而肥大於衆者名揚抱薊今呼之馬薊

箭王薏注王帚也似藜其樹可以為掃薏江東呼之曰

落帚音義

箭音箭一音子淺反說文作湔同薏息疏此

藜之科大為樹可以作掃薏者一名

箭一名王薏一名王帚江東呼落帚

茱王芻注茱萸也今呼鷓鴣脚莎音義

茱力辱反芻楚俱反本又作葛萸音

辱鷓尺之反
疏舍人云菜一名王芻某氏云菜鹿芻也
莎素和反
郭云芻也今呼鷓脚莎詩銜風云瞻彼

淇澳菜竹
猗猗是也

拜蔕藿注蔕藿亦似藜音義

蔕音商藿徒弔反說文廣雅皆云莖也

疏

此亦

似藜而葉大者名拜一名蔕
藿莊子云藜藿柱宇是也

繁皤蒿注白蒿蒿故注今人呼青蒿香中炙啖者為故

蔚牡故注無子者音義

繁音煩皤白波反白也蒿好高反故本亦作莖去刃反讀者或

作苦見反炙之亦反啖徒覽反說文云噍疏此辨蒿色也廣雅云食也蔚於貴反下同牡亡后反疏及有子無

子者之異名也詩召南云于以采繁于沼于沚毛傳云繁皤蒿也郭氏云白蒿然則皤猶白也本草云白蒿唐

本注云此蒿葉粗於青蒿從初生至枯白於衆蒿欲似艾者所在有之又云葉似艾葉上有白毛粗澀俗呼蓬蒿可以為菹故詩箋云以豆薦繁菹陸璣云凡艾白色為皤蒿今白蒿春始生及秋香美可生食又可蒸一名游胡北海人謂之旁勃故大戴禮夏小正傳曰繁由胡由胡旁勃也是蒿一名菼詩小雅鹿鳴云食野之蒿陸璣云蒿青蒿也荆豫之間汝南汝陰皆云菼孫炎云荆楚之間謂蒿為菼郭云今人呼青蒿香中炙啖者為菼是也蔚即蒿之雄無子者故云牡菼舍人曰蔚一名牡菼詩蓼莪云匪莪伊蔚陸璣云牡蒿也三月始生七月華華似胡麻華而紫赤八月為角角似小豆角銳而長一名馬新蒿是也

齧彫蓬薦黍蓬注別蓬種類音義

齧魚結反彫一遼反蓬步公反薦作見反

孫李本作蘆沈平兆疏此別蓬種類也說文云蓬蒿也反黍音著種之勇反草之不理者也種類非一故有

蘆彫蓬薦黍蓬詩召南騶虞云彼茁者蓬月令云藜莠蓬蒿並興是也

葦鼠莞注亦莞屬也纖細似龍須可以為席蜀中出好

者音義

葦方寐反又方弭反
莞謝音官施音凡

疏

莞屬也說文云莞草可
以為席此葦一名鼠莞

纖細似龍須亦可以為席蜀中出好者

勤鼠尾注可以染阜音義

勤巨盈反
阜音造

疏

可以染阜草也
一名勤一名鼠

尾本草有白華者有赤華者又一名陵翹
陶注云田野甚多人採作滋染阜草是也

荇莫大薺注薺葉細俗呼之曰老薺音義

荇思歷反莫
亡歷反薺齊

禮疏荇莫一名大薺俗呼老薺似薺而葉細本
反草又名薺荇一名太藪一名馬辛是也

漆虎杖注似紅草而麤大有細刺可以染赤音義

漆大反

刺七賜反下同疏

漆一名虎杖注云似紅草而粗大有細刺可以染赤陶注本草云田野甚多狀如大馬蓼

莖班而葉

圓是也

孟狼尾注似茅今人亦以覆屋音義

狼音郎茅亡交反覆音副似

茅者一名孟一名狼

尾今人亦以覆屋

瓠棲辨注瓠中辨也詩云齒如瓠棲音義

瓠戶故反舍人本又作觚

釋云瓠也棲詩作犀音西辨苻萇苻開二反謝力見反郭云瓠中辨也字林云瓜中實也父萇反

疏辨

中辨也一名瓠棲人之齒美者似之故詩衛風碩人美莊姜云齒如瓠棲是也今詩文作犀

茹菴茅蒐注今之蒨也可以染絳音義

茹音如字亦作
菴菴力居反菴

色留反蒨本或

疏

今染絳蒨也一名茹菴一名茅蒐詩
鄭風云茹菴在阪陸璣云一名地血

齊人謂之蒨徐州人謂之
牛蔓即今之蒨草是也

果羸之實栝樓注今齊人呼之為天瓜音義

羸力果反
栝本或作

苦古活反樓本或作蔓力侯反本草栝樓一名地樓一
名天瓜一名澤姑一名果羸實一名黃瓜陶弘景注云
出近道藤生狀似土瓜而葉有義實中人今以雜作
手膏用也根入土六七尺大二三圍者服食亦用之
疏
果羸之草其實名栝樓實即子也故李巡云栝樓子名
也郭云今齊人謂之天瓜本草云栝樓葉似瓜葉形兩
兩相值蔓延青黑色六月
華七月實如瓜瓣是也

茶苦菜注詩曰誰謂荼苦苦菜可食音義

茶音徒說文同案詩云誰

謂荼苦大雅云董荼如飴本草云苦菜一名茶草一名
選生益州川谷名醫別錄云一名游冬生山陵道旁冬
不死月令孟夏之月苦菜秀易通卦驗玄圖云苦菜生
於寒秋經冬歷春得夏乃成今苦菜正如處處皆有
葉似苦苣亦堪食但苦耳今在釋草篇本草為菜上品
陶弘景乃疑是茗失之矣釋木篇有檟苦茶乃是茗耳
疏此味苦可食之菜一名茶一名苦菜本草一名茶草
一名選一名游冬案易緯通卦驗玄圖云苦菜生於
寒秋經冬歷春乃成月令孟夏苦菜秀是也葉似苦苣
而細斷之有白汁花黃似菊堪食但苦耳注云詩曰誰
謂荼苦苦苣風
谷風篇文也

萑推注今荒蔚也葉似萑方莖白華華生節間又名益

母廣雅云音義

荏音佳推他回反或音推郭云荏蔚也本草荏蔚子一名益母一名大札一名

益明一名貞蔚陶弘景云處處生菜如荏方莖子細疏長三楞白華華生節間荏音充蔚音尉荏而甚反

荏一名推李巡曰臭穢草也郭云今荏蔚也廣雅名益母葉似荏方莖白華華生節間詩王風云中谷有推陸璣云舊說及魏博士濟陰周元明皆云菴蔕是也韓詩及三蒼說悉云益母故曾子見益母而感案本草荏蔚一名益母故劉歆曰推臭穢即荏蔚也

藹綬注小草有雜色似綬音義

藹又作鷓五歷反郭音五革反綬音受疏

藹者雜色如綬文之草也詩陳風云卬有旨藹陸璣疏云藹五色作綬故曰綬草是也

菜稷注今江東人呼粟為菜音義

菜音咨左傳云菜食不鑿杜注云黍稷曰

梁郭云今江東人呼粟為梁陶注本草云白糧粟或呼為梁音緇字林云粘稷也今苗及穀似粟稷本草云稷米味甘無毒益氣補不足陶注云不識書多云稷恐與黍相似詩黍稷稻粱禾麻菽麥此八穀世人莫能證辨如此穀稼米不能明而况芝英者乎汜勝之種殖書無稷稟禮記云子卯稷食菜羹又云君沐梁大夫沐稷士沐梁相承云稷粟也又郭注衆稷云粘粟而說文字林皆云粘稷今秫苗及穀全似粟唯色及粘為異又衆家釋梁皆為粟知稷即粟也然本草稷米在下品別有粟米在中品又似二物

疏

左傳云梁食不鑿梁者稷

也曲禮云稷曰明梁是也郭云今江東人呼粟為梁然則梁也稷也粟也正是一物而本草稷米在下品別有粟米在中品又似二物故先儒甚疑焉

衆秫注謂黏粟也音義

衆音終秫音述郭云黏粟也說文云稷之黏者字林亦云黏稷

本草云秫米味甘微寒主止寒熱利大腸治漆創亦驗然北間東人皆呼稻米為秫米嚼稻米以治漆創亦驗然北間自有秫穀全與粟相似米黏北人用之釀酒其莖稈似禾而麤大也黏女廉反字秫云相著

疏 衆一
名秫

謂黏粟也說文云稷之黏者也與穀相似米黏北人用之釀酒其莖稈似禾而麤大者是也

戎叔謂之荏菽注即胡豆也音義 菽舒育反 疏 戎叔一 荏而甚反 名荏菽

孫炎云大豆也詩大雅生民菽之荏菽荏菽旆旆鄭箋亦以為大豆樊光舍人李巡郭氏皆云今以為胡豆郭氏云春秋齊侯來獻戎捷穀梁傳曰戎菽也管子亦云北伐山戎出冬蔥及戎菽布之天下今之胡豆是也案此戎菽皆為大豆注穀梁者亦以為大豆也郭氏等以戎胡俱是夷名故以戎菽為胡豆也

卉草注百草總名音義

卉虛謂反 疏 別二名也 百卉猶 總子孔反 百草也 詩小雅云

百卉具
腓是也

菴雀卉注未詳菴雀麥注即燕麥也音義

菴悅轉反又古本反菴子

若反麥亡革疏菴一名雀麥一名燕麥本草云生故墟反燕鳥見反野林下苗似小麥而弱實似穞麥而細在處亦有之是也

懷烏菴菓菴茲繫菴葵注皆未詳黃菴瓜注菴瓜似土

瓜音義

懷戶怪反菴西存反菓音練菴音菟茲古來反一音皆繫音煩菓音兮黃羊善反又弋仁反

疏菴瓜一名黃苗及實似土瓜土瓜者即王瓜也月令王瓜生是也

芍藟豕首注本草古菴顧一名蟾蜍蘭今江東呼豨首

可以煬蠶蛹音義

音占豨虛豈反煬字或作魚煬炒編

燹燹七字並音初卯反三蒼云熬也疏葯蕪藥草名一說文云火乾物也蠶雜南反蛹音勇疏名豕首一名彘

顧一名蟾蜍蘭一名天名精一名麥句薑一名蝦蟇藍

一名天門精一名玉門精別錄一名天蔓菁南人名為

地菘味甘辛故有薑稱狀如藍故名蝦蟇藍香似蘭故名蟾蜍蘭郭云江東呼豨首可以煬蠶蛹者三蒼云煬

也熬

莽馬帚注似著可以為掃彗音義

音尸說文云蒿屬也

生千歲三百疏莽草似著者今俗謂著莽可以為掃彗莖掃蘇早反故一名馬帚注似著說文云著蒿屬也

生千歲三百莖可以為卜策白虎通云此天地之間壽考物也故問之是也

蕘懷羊注未詳茭牛蘄注今馬蘄葉細銳似芹亦可食

音義

蕘胡罪反茭郭胡卯反又音交或尸交反蘄音芹

疏

似芹可食菜也而葉細銳一名茭一名牛

蘄一名馬蘄子入藥用本草注云生水澤中苗似鬼鍼蓼菜等花青白色子黃黑色似防風子是也

葵蘆葩注葩宜為葍蘆葍蕪菁屬紫花大根俗呼電葵

音義

葵孫郭並他忽反施徒忽反蘆郭音方何反謝力吳反葩郭音葍蒲北反蕪音無本或作蔓音萬菁

音精又子丁反電步角反疏紫花菘也俗呼溫菘似蕪菁大根一名葵俗呼電葵一名蘆葍今謂之蘿菘是

也

漚灌注未詳茵芝注芝一歲三華瑞草音義

漚恥力反聲類云漚

灌茵芝也茵沈顧音祥由疏瑞草名也一歲三華一名茵一名芝論衡云芝生於反謝音由芝音之瑞草也
土土氣和故芝草生瑞命禮
曰王者仁慈則芝草生是也

筍竹萌注初生者音義

筍息尹反竹初生也萌亡耕反疏孫奕曰竹初

凡草木初生謂之萌筍則竹之初生者故曰筍竹萌也
可以為菜穀詩大雅韓奕云其蔌維何維筍及蒲蔌則
也菜穀

蕩竹注竹別名儀禮曰蕩在建鼓之間謂簫管之屬音

義

蕩徒朗反說文云人竹也尚書云篠蕩既敷是也疏本或作筍音同案說文筍大作筍也字林他莽反

蕩則竹之別名李巡曰竹節相去一丈曰蕩孫奕曰竹
閏節者曰蕩禹貢篠蕩既敷孔安國云蕩大竹郭氏云

竹別名無大小之異故引禮經為證也注儀禮曰者大射禮文也案彼云樂人宿縣西階之西頌磬東面其南鐘皆南陳一建鼓在其南東鼓朔輦在其北一建鼓在西階之東南面蕩在建鼓之間鄭注云蕩竹也謂笙蕭之屬倚於堂以笙蕭之屬固非大竹故郭氏引之也鄭又云建猶樹也以木貫而載之樹之附也故謂之建鼓云謂蕭管之屬者郭用鄭玄之說也

莪蘿注今莪蒿也亦曰蘆蒿音義

莪五河反蘿力何反蘆良甚反廣雅云莪

蒿蘆也疏舍人云莪一名蘿郭云今莪蒿也亦曰蘆蒿詩也澤田漸如之處葉似邪蒿而細科生三月中莪可生食又可蒸香美味頗似萋蒿是也

芄葍注薺芄音義

芄奴禮反疏芄一名葍芄郭云薺也本草薺芄陶注

云根莖都似人參而葉小異根味甜又別
本注云根似桔梗以無心為異者是也

經履注未詳若接余其葉苳注叢生水中葉圓在莖端

長短隨水深淺江東食之亦呼若音義

經待節反若音杏本亦作苳詩

云參差苳菜說文作苳接如字說文
作苳音同余羊如反本或作茶非

疏

苳菜一名接余其葉名苳郭云

叢生水中葉圓在莖端長短隨水深淺江東食之亦呼
為若詩周南關雎云參差苳菜是也苳與若同陸璣疏
云接余白莖葉紫赤色正圓莖寸餘浮在水上根在水
底與水深淺等大如釵股上青下白鬻其白莖以苦酒
浸之肥美
可案酒

白華野菅注菅茅屬詩曰白華菅兮音義

菅古疏舍人顏反疏云白

華一名野菅陸璣云菅似茅而滑澤無毛根下五寸中有白粉者柔韌宜為索漚乃尤善矣郭云菅茅屬此白華亦是茅之類也漚之柔韌異其名謂之為菅因謂在野未漚者為野菅耳詩小雅云白華菅兮是也

薜白蘄注即上山蘄非芴注即土瓜也音義

薜方麥反蘄巨斤反

菲芳尾反

疏

一名芴郭云土瓜也孫炎曰菑類也詩谷風云采芴采菲陸璣云菲似菑莖粗葉厚

而長有毛三月中蒸鬻為茹甘美可作羹幽州人謂之芴爾雅又謂之蔥菜今河內人謂之宿菜案今爾雅菲芴與蔥菜異郭注似是別草如陸之言又是二物某氏注爾雅二處皆引谷風詩即菲也芴也蔥菜也土瓜也宿菜也五者一物其狀似菑而非菑故云菑類也

菑當注大葉白華根如指正白可啖音義

菑方服反說文云亦名薜

楚謂之菑秦謂之萋萋
地生而連花當音富
疏 菑一名當郭云大葉白華根

行其野言采其菑陸璣云幽州人謂之燕當其根正
白可著熱灰中溫啖之饑荒之歲可蒸以禦饑也

熒委萎注藥草也葉似竹大者如箭竿有節葉狹而長

表白裏青根大如指長一二尺可啖音義
熒戶炯反萋謝於危反孫

人垂反郭音痿癰同案痿音人垂反字林云庫也韓信
云痿人不忘起是也讀史漢者或於危反竿音幹又音
干或古疏藥草也一名熒一名委本草女萎萎蕤一名
但反疏熒是也葉似竹大者如箭竿有節葉狹而長
表白裏青根大如指長一二尺可啖

蒟子熒注未詳竹篇蓄注似小藜赤莖節好生道傍可

食又殺蟲音義

藟求于反芋天頂反又天丁反芟音迴又音螢竹本又作蔬張六反藟匹善反

顧補珍匹縣二反藟勅六反陶弘景云藟藟亦呼為藟竹好呼報反藟直中反疏李巡曰一物

某氏引詩衛風云藟竹猗猗郭云似小藜赤莖節好生

道傍可食又殺蟲案陶隱居本草注云處處有布地而

生節間白華葉細綠人謂之藟

竹莖汁與小兒飲療虺蟲是也

歲寒漿注今酸漿草江東呼曰苦歲音義

歲之金反疏寒何干反

歲一名寒漿郭云今酸漿草江東呼曰苦歲案本草酸

漿一名醋漿陶注云處處人家多有葉亦可食子作房

房中有子如梅

李大皆黃赤色

解若英莖注英明也葉黃銳赤華實如山茱萸或曰葭

也關西謂之薺若音義

薺郭音皆一音古買反若古口反秦人名陵曰薺若廣雅云陵

薺薺若英古穴反本亦作決茺古黃反疏

茺常朱反萸羊朱反陵字又作菱音陵

一名英光一

名英明郭云葉黃銳赤華實如山茺萸陶注本草云葉如茺芒子形似馬蹄呼為馬蹄決明廣雅謂之羊躑躅

也或曰者案說文云蔞

楚曰薺秦曰薺若是也

並萸殺蔺注一名白萸音義

並亡符反讀者或常制反又戶耕反萸羊而反殺所

黠反蔺在羊疏

反萸巨貴反疏

並萸一名殺蔺郭云一名白萸此草也案本草並萸一名無姑一名殺蔺唐本

注云爾雅並萸一名殺蔺今作殺蔺字之誤也而在木部疑非是或者與草同氣○殺音殿蔺音唐

蔺的其紹蔺注俗呼的瓜為蔺紹者瓜蔓緒亦著子但

小如的音義

作 大結反詩云繇繇瓜也 紹市沼反蔓音萬著丁畧

反疏

必小亦名 故云紹也 詩大雅云繇繇瓜也 紹繇先歲之瓜

曰也 紹繇謂也 漢中小瓜曰也 孫炎曰
族類本有二種大者曰瓜小者曰也 此則其種別也而
瓜蔓近本之瓜必小於先歲之大瓜以其小如也 故謂
之也 紹繇是也 之別名故郭云俗呼也
為也 紹繇者瓜蔓緒亦著子但小如也

芎鳧苳注生下田苗似龍須而細根如指頭黑色可食

音義

芎戶子反鳧音扶苳本又作 疏芎一名鳧苳郭云
苳沈顧徂斯反謝徂咨反 生下田中苗似龍

須而細根如指頭黑色可食今俗淪而鬻之者是也

藟 藟董注似蒲而細音義

藟力愧反又力對反藟音頂董本或作董丁動反施音童

疏

藟一名藟董狀似蒲而細可為屨亦可綯以為索

稊 稊注稊似稊布地生穢草音義

稊大兮反本又作稊莊子云道在稊稊是

也芙大結反稊蒲賣疏稊一名芙似稊之穢草也布生反字林云禾別名也 疏 於地莊子曰道在稊稊是亦有

米細小莊子又曰若稊米之在大倉是也

鈎 芙注大如拇指中空莖頭有臺似藟初生可食音義

鈎古侯反芙於表反又疏藟類也一名鈎一名芙郭云於老反拇音母藟音計 疏 大如拇指中空莖頭有臺似

藟初生可食說文云味苦江南食以下氣是也

齏鴻薈注即齏菜也音義齏胡界反疏齏菜似韭之菜

草謂之菜
芝是也

蘇桂荏注蘇荏類故名桂荏疏

蘇荏類之草也以其味辛似荏一名桂荏陶注

本草云葉下紫色而氣甚香其無紫色不香似荏者名野蘇生池中者名水蘇一名雞蘇皆荏類也

蓼虞蓼注虞蓼澤蓼音義

蓼師力反說文作蓼云虞蓼也音色蓼音了疏蓼

名虞蓼即蓼之生水澤者也周頌良耜云以蔣荼蓼毛傳云蓼水草是也

蓼蓼注未詳蓼赤苗注今之赤梁粟芑白苗注今之白

梁粟皆好穀秬黑黍注詩曰維秬維秠一稔二米注

此亦黑黍但中米異耳漢和帝時任城生黑黍或三四

實實二米得黍三斛八斗是音義

蔘他彫反蔘他的反
蔘詩作康字林亡昆

反郭七津反本亦作壹梁音良芑莠紀反秬音巨黑黍也或云今蜀黍也米白穀黑說文作鬻或作秬字秬孚

鄙反又孚丕反字林匹几匹九夫九疏案詩大雅生民

三反秬音數本作殍殍並同任音壬云誕降嘉種維

秬維秬維康維芑故此釋之也釐與康音義同釐即嘉

穀赤苗者郭云今之赤梁粟芑即嘉穀白苗者郭云今

之白梁粟皆好穀也李巡曰黑黍一名秬黍秬即黑黍

之大名也秬是黑黍之中一稊有二米者別名之為秬

若然秬秬皆黑黍矣而春官粢人注云釐秬為酒秬如

黑黍一秬二米言如者以黑黍一米者多秬為正稱二

米則秬中之異故言如以明秬有二等也秬有二等則

二米亦可為酒粢人之注必言二米者以宗廟之祭唯

裸為重二米嘉異之物也酒宜當用之故以二米解也
其實秬是大名故云釀秬為酒此云秬一稭二米也人
注云一秬二米文不同者鄭志答張逸云秬即皮其稭
亦皮也爾雅重言以曉人然則秬稭古今語之異故鄭
引此文得以稭為秬也漢和帝時任城縣生
黑黍或三四實實二米得黍三斛八斗是也

稭稻注今沛國呼稭音義

稭待古反又他古反詩云豐年多黍多稭為酒為醴禮記

云牛宜稭羊宜黍本草云抗米主益氣止煩泄稻米主
温中令人多熱陶注云道家方藥有俱用稻米稭米此
則是兩物云稻米糠白如霜今江東無通呼稭米為稻
米耳不知其色類復云何案說文云沛國謂稻為糯抗
稻屬也字林云糯黏稻也抗稻不黏者李登聲類亦以
抗為不黏稻但江東人呼為稭字林曰稭乃亂反字林
作糯北人呼為糯稭與稭皆俗抗字也音庚今稭糯甚
相類但黏與不黏耳依說文糯即稻也沛音貝國名

疏

別二名也郭云今沛國呼徐詩周頌云豐年多黍多稌禮記內則云牛宜徐幽風七月云十月穫稻是一

物也案說文云沛國謂稻為糯抗稻屬也字林云糯黏稻也抗稻不黏者本草以粳米稻米為二物抗與粳古今字然抗糯甚相類黏不黏為異耳依說文徐稻即糯也江東呼粳乃亂切

葛萑茅注葛華有赤者為萑萑葛一種耳亦猶菱苕華

黃白異名音義

葛音福萑巨營反又詳疏葛與萑茅一充反種章勇反苕音條草也華白者

即名華華赤者別名萑茅故郭云亦猶菱苕華黃白異名也

臺夫須注鄭箋詩云臺可以為梁雨笠音義

臺字又作臺同夫音

扶筥即田反架

疏

舍人云臺一名夫須詩小雅云南山有臺陸璣云舊說夫須莎草也可以

音語笠音立

為藁笠都人士云臺笠緇撮是也按箋者傳注之別名也
 也以詩先有毛公作傳鄭玄釋其未備者字林云箋者
 表也識也鄭以毛學審備遵暢厥旨所以表明毛意記
 識其事故特稱箋也都人士箋云都人之士以臺皮為
 笠此引其意
 非全文也

藜藿注未詳茵貝母注根如小貝圓而白華葉似韭音

義藜居鞏反本亦作寥字藜音伐本又作罰茵亡庚反
 詩作茲同本草云貝母一名空草一名藥實一名苦

華一名苦菜一名商草一名勤母
疏藥草貝母一名茵郭云根如小貝
 圓而白華葉似韭詩鄘風載馳云

陟彼阿丘言采其茲陸璣云茲今藥草貝母也其葉如
 栝樓而細小其子在根下如茅子正白四方連累相著

有分解也本草一名空草陶注云出
 近道形似聚貝子故云貝母是也

菽蚝蚝注今荆葵也似葵紫色謝氏云小草多華少葉

葉又翹起音義

菽 祁亮反 或巨遠反 蚝 婢夷反 郭音疋 蚝 本又作芥 又作蚝房 尤反 郭芳九反

疏

舍人云菽一名蚝蚝 郭云今荆葵也似葵紫色謝氏云小草多華少葉 葉又翹起詩陳風云視爾如菽毛

傳云芘芘也陸璣云芘芘一名荆葵似蕪菁華紫綠色可食微苦是也

艾冰臺注今艾蒿音義

艾 五盖反 疏 艾一名冰臺即今冰彼升反 艾蒿也詩王風云

彼采艾兮是也

葶亭歷注實葉皆似芥一名狗薺廣雅云音義

葶音典 亭字或

作葶同歷字或作葶廣雅云狗薺大室亭歷也本草云一名大室一名大適丁歷反一名丁歷一名葶今江東

人呼為公薺芥 疏 草一名亭歷郭云實葉皆似芥廣雅
音界狗音苟 又名狗薺本草一名丁歷一名大室

一名大適陶注云今近道亦有
母則狗薺子細黃至若是也

苻鬼目注今江東有鬼目草莖似葛葉圓而毛子如耳

璫也赤色叢生音義

璫音疏 苻一名鬼目郭云今江東
有鬼目草莖如葛葉圓而

毛子如耳璫
也赤色叢生

薜廋草注未詳菽蔞縷注今繁縷也或曰雞腸草音義

薜布麥反廋字或作薜謝羊王反孫音史菽五高反蔞
字或作薜謝光老反沈施所留及本草呼為繁縷音
煩縷字亦作縷力 疏 菽一名蔞縷一名繁縷一名雞腸
主反今繁縷草 草本草云繁縷味辛陶注此菜人

以作羹唐本注云此即雞腸草也多生下濕坑渠之側人家園庭亦有此草是也

離南活茺注草生江南高丈許大葉莖中有瓢正白零

陵人祖日貫之為樹音義

離力知反活胡閩反茺字或作茺徒活反瓢女良反三蒼

云瓜中子也

疏

離南草也一名活茺山海經又名冠脫日人一反生江南高丈許大葉而肥莖中有瓢正

白者是也云零陵人祖日貫之為樹者祖且也貫事也言零陵郡人且日事之使科大若樹然也郭又注山海經云零桂人植而日灌之以為樹然所未詳

龍天齋須葑菹注未詳勞隱葱注似蘇有毛今江東呼

為隱葱藏以為菹亦可淪食也音義

龍郭音聾施音龍齋餘若反葑方孔

反莖音總莠郭音彭又音旁葱音忍注同菹莊居疏莠
反淪餘若反字林云煮也本亦作洵音同後放此蘇
類菜也一名隱葱郭云似蘇有毛今江東
呼為隱葱藏以為菹亦可淪食者淪煮也

茜蔓于注多生水中一名軒于江東呼茜音義

茜郭音由又音

酉蔓或作疏茜水草也一名蔓于郭
曼通音萬云一名軒于江東呼茜

茵蘆注作履苴草音義

茵音魯蘆施謝才古反郭才河采苦二反字林千古反苴將呂

反一云將慮反字疏茵說文云茵草也可以束一名蘆
苑云靛苴履底即蒯類也中作履底字苑云靛苴

履底故云作
履苴草也

柱夫搖車注蔓生細葉紫華可食今俗呼曰起搖車音

義

柱張縷及本或作柱同夫音疏柱夫可食之草也一扶或如字車尺蛇反又音居疏名搖車俗呼翹搖車

蔓生紫華華翹

起搖動因名云

出隧遽蔬注 遽蔬似土菌生菰草中今江東啖之甜滑

音同甃甃音義

隧音遂遽郭音甃巨俱反謝音渠蔬郭音甃山俱反謝音疎菌巨隕反菰音孤

廣雅云蔣也啖大敢反甜徒謙反滑乎八反邇之延反本亦作梅同甃音衢又音渠字又作瞿託所俱反又所

魚疏菌類也一名出隧一名遽蔬廣雅云朝生形如鬼

反疏蓋郭云似土菌生菰草中今江東啖之甜滑音同

甃甃者說文云菰蔣也張揖云甃甃毛席取其音同

蘄苣麋蕪注 香草葉小如姜狀淮南子云似蛇牀山海

經曰臭如麝蕪音義

蕪巨斤反菹昌改昌敗二反本草云白芷一名白菹蕪忘悲反蕪亡

符反本草蕪蕪一名薇蕪一名江蕪芎藭苗也陶注

疏

云葉似蛇牀而香姜於危反字林於偽反臭昌又反

芎藭苗也一名蘄菹一名蕪蕪本草一名薇蕪一名江

蕪陶注云似蛇牀而香郭云香草葉小如姜狀者言如

姜蕪之狀也注淮南子云似蛇牀者案淮南子記論篇

云夫物之相類者世主之所亂惑也嫌疑肖像者衆人

所眩耀也故狠者類知而非知也愚者類君子而非君

子也憊者類勇而非勇也使人相去也若玉之與石也

葵之與莧也則論人易矣夫亂人者若芎藭之與藁本

蛇牀之與蕪蕪者許慎云此四者藥草臭味之相似惟

治病則力不同是也云山海經曰臭如蕪蕪者案西山

經浮山有草曰薰草麻葉而方莖赤華而黑實臭如蕪

蕪可以止癘又天帝山有草其狀如葵其臭如蕪蕪曰

杜衡可以走馬食之已癩是也臭香也言其香氣如蕪

也無

茨蒺藜注布地蔓生細葉子有三角刺人見音義

但茨

咨反或作蒺同蒺音疾藜音梨案本草蒺藜一名旁通一名屈人一名止行一名射羽一名升推一名即梨一

名茨多生道上布地子及葉並有刺狀如雞蒺刺七亦反見賢遍反後放此

疏

茨一名蒺藜郭云布地蔓

生細葉子有三角刺人見詩者案詩小雅云楚楚者茨是也

蒺藜竊衣注似芹可食子大如麥兩兩相合有毛著人

衣音義

蒺居例反郭巨例反竊女居反竊音切芹音勤著直畧反

疏

蒺藜一名竊衣郭云似芹可食

子大如麥兩兩相合有毛著人衣俗名鬼麥者也

髦顛棘注細葉有刺蔓生一名商棘廣雅云女木也音

義

髦音毛顛都年反棘古力反

疏

髦一名顛棘一名商棘廣雅云女木也郭云細葉有刺蔓生

藿芄蘭注藿芄蔓生斷之有白汁可啖音義

藿郭音藿謝音官沈

施音丸芄音桓蘭力丹反斷尿管反汁之什反疏藿一名是芄蘭郭云藿芄蔓生斷之有白汁可啖案如此

注則以藿芄一名蘭或傳寫誤芄衍字詩衛風云芄蘭之支陸璣云一名蘿摩幽州人謂之雀瓢

蔞沈藩注生山上葉如韭一曰蜚母音義

蔞孫云古蔞字徒南反說

文云或作蔞字沈字或作芄音直林反藩甫頰反又音頰郭云一名蜚母本草謂之知母一名蜚母一名連母一名野蔞一名地參一名水參一名貨母一名蜚母一名女雷一名女理一名兒草一名鹿列一名韭蓬一名

兒踵一名東根一名水須一名菹藩一名蔞陶注云形似菖蒲而柔潤葉至難死掘出隨生須枯燥乃止堪治熱病亦疏藥草知母也一名蔞一名菹郭云生山上主瘧疾葉似韭一名蛄母案本草此名之外更有十餘名文多不載陶注云形似菖蒲而柔潤葉至難死掘出隨生須枯燥乃止也

蒲葍注今澤葍音義

蒲羊朱反葍本又作烏私夕反下同郭云今澤葍案本草云一名水

鳥一名及瀉一名芒葍陶注云葉狹而長叢生疏蒲一淺水中仙經服用之令人身輕能步行水上疏名葍即藥草澤葍也本草作澤瀉一名水瀉一名及瀉一名芒葍一名鵠瀉陶注云葉狹長叢生諸淺水中

蘭鹿藿其實菽注今鹿豆也葉似大豆根黃而香蔓延

生音義

蘭謝其隕反郭巨阮反施其免反沈巨轉反鹿力斛反藿火郭反說文云菽之少也字又作藿

菹女久其久二反疏菹一名鹿藿其實名菹郭云今鹿
蔓音萬延以戰反豆也葉似大豆根黃而香蔓延生
本草云味苦唐本注云此草所在有之苗似豌豆有
蔓而長大人取以為菜亦微有豆氣名為鹿豆也

藹侯莎其實媿注夏小正曰藹也者莎蔭媿者其實音

義藹胡老反莎先禾反媿尼兮反夏音下正之盈反蔭
弋垂徂規二反廣雅云蔭也又云地毛莎蔭也本或

作蔭他疏藹即莎別名侯維也猶語解也其實別名媿
狄反注夏小正者大戴禮之篇名本夏后氏著十

二月之候也漢九江太守戴德記之謂之大戴禮記其
正月云媿藹藹也者莎蔭也媿也者其實也先言媿而
後言藹何也媿先見者也何以謂之小正以著名
也察廣雅云地毛莎蔭也是蔭即莎也故云莎蔭

莞苻藿其上藹注今西方人呼蒲為莞蒲藹謂其頭臺

首也今江東謂之苻蘿西方亦名蒲中莖為蒿用之為

席音義

莞本或作菀謝音官郭音桓字林音緩俗音
闕離力知反本或作離蒿郭音翻又音歷疏

某氏曰本草云白蒲一名苻蘿楚謂之莞蒲其上臺別
名蒿郭義具注詩小雅斯干云下莞上簟鄭箋云莞小
蒲也者以莞蒲一草之名而司几筵有莞筵蒲筵
則有大小之異為席有精有粗故得為兩種席也

荷芙蓉注別名芙蓉江東呼荷其莖茄其葉蓮其本莖

注莖下白藕在泥中者其華菡萏注見詩其實蓮注蓮

謂房也其根藕其中的注蓮中子也的中薏注中心苦

音義

荷音河芙蓉音荷本或作扶藁音渠蓉音容莖戶耕
反茄古牙反蓮字或作葭音遐又音加眾家並無

此句唯郭有然就郭本中或復脫此一句亦並闕讀莖
亡筆反莖音若莖戶感反莖字又作藟徒感反說文云
莖莖花未發也已發名芙蓉張揖同亦曰芙蓉蓮力田
反藟字亦作藟同五口反案本草云一名水芝丹的丁
歷反又戶牙反或疏李廵曰皆分別蓮莖華葉實之名
作藟同意於力反疏芙蓉其總名也別名芙蓉江東呼
荷莖莖蓮華也的蓮實也莖中心也郭璞曰莖莖下白
弱在泥中者今江東人呼荷華為芙蓉北方人便以藟
為荷亦以蓮為荷蜀人以藟為茄或用其母為華名或
用根子為母葉號此皆名相錯習俗傳誤失其正體者
也陸璣疏云蓮青皮裏白子為的的中有青為莖味甚
苦故里語云苦如莖是也詩陳風云彼澤之陂有蒲與
荷又曰有蒲與蓮又

曰有蒲莖莖是也

紅龍古其大者歸注俗呼紅草為龍鼓訖轉耳音義

力龍

菘反又力公反歸謝疏舍人曰紅名龍古其大者名歸
正軌反郭巨龜反詩鄭風云濕有游龍毛云龍紅

草也陸璣云一名馬藜葉大而赤白色生水
澤中高丈餘郭云俗呼紅草為龍鼓語轉耳

萎薺實注薺子味甘音義

萎才河反疏本草云薺味甘
又子邪反人取其葉作菹

及羹亦佳詩谷風云誰謂荼
苦其甘如薺其子別名萎

麩臬實注禮記曰苴麻之有麩音義

麩本或作蕒苻刀
反或扶沸反臬息

似反苴七疏臬麻也麩者即麻子名也故云麩臬實也
徐反下同注禮記曰苴麻之有麩者儀禮喪服傳文

也傳所以解經故亦謂之禮記也案喪服
經云苴經傳曰苴經者麻之有麩者是也

臬麻注別二名音義

別彼疏麻一名臬故注云別二名
列反禹貢青州云厥貢岱畎絲

象是也

須養蕪注養蕪似羊蹄菜細味酢可食音義

蕪音孫酢七故反

疏案詩谷風云采葑采菲

毛傳云葑須也先儒即以須葑從當之孫炎云須一名葑從今郭注上葑從云未

詳注此云養蕪似羊蹄菜細味酢可食則郭意以毛云葑須者謂此養蕪也坊記注云葑蔓菁也陳宋之間謂之葑陸璣云葑蕪菁幽州人或謂之芥方言云薑菹蕪菁也陳楚謂之薑齊魯謂之菹闕西謂之蕪菁趙魏之郊謂之大芥薑與葑字雖異音實同則葑也須也蕪菁也蔓菁也養蕪也菹也芥也七者一物也

菲蔥菜注菲草生下溼地似蕪菁華紫赤色可食音義

菲字匪反又音妃
蔥音息本又作息

疏

菲一名蔥菜案詩谷風云采葑采菲毛傳云菲芴郭上注菲芴云土

瓜也注此云菲草生下溼地似蕪菁華紫赤色可食則是功與蔥菜別草而某氏及陸璣以爲一物非郭義也

蕒赤莧注赤莧一名蕒今莧菜之赤莖者音義

蕒字亦作蕒巨

愧反又苦怪反莧閑辨反

蔦藤蕒冬注門冬一名滿冬本草云音義

蔦音牆蔦亡彼反又作蔦

同蕒音門本皆作門郭云門俗字亦作蔦字山海經云條谷山其草多芍藥蕒冬郭云本草一名滿冬案本草天門冬一名顛勒麥門冬秦名羊韭齊名愛韭楚名馬韭越名羊著一名禹葭一名禹餘糧葉如韭冬夏生無名滿疏藥草也一名蔦蔦一名蕒冬案山海經云條谷冬者疏山其草多芍藥蕒冬郭注亦云本草一名滿冬今檢本草有天門冬一名顛勒麥門冬秦名羊韭齊名愛韭楚名馬韭越名羊著一名禹葭一名禹餘糧無名

滿冬者蓋所見本異也。夔門字異音同耳。

篇苻止注未詳。漑貫衆注菜圓銳莖毛黑布地冬不死。

一名貫渠。廣雅云貫節音義。

篇匹餘反。漑郭舒若反。孫餘若反。貫古亂反。衆音終。

本草云貫衆一名貫節一名貫渠一名百頭一名虎卷一名篇苻一名伯藥一名藥藻。所謂草鴟頭也。爾雅篇苻止郭云未詳。疏藥草名也。一名漑一名貫衆。本草云本草乃是貫衆。疏一名貫節一名貫渠一名百頭一名虎卷一名篇苻一名伯藥一名藥藻。此謂鴟頭陶注云菜如太蕨形色毛芒全似老鴟頭。因名之。郭氏云菜圓銳莖毛黑布地冬不死。一名貫渠。廣雅名貫節。

蒼牛藻注似藻葉大江東呼為馬藻音義。

蒼其隕反。孫居筠反。藻音。

早疏 茗一名牛藻江東呼馬藻藻之菜大者也詩召南云予以采藻左傳云蘋蘩藻藻之菜以此草好聚

生故言蘆藻蘆訓聚也毛傳云藻聚藻也陸璣云藻水草也生水底有二種其一種葉如雞蘇莖大如箸長四五尺其一種莖大如釵股葉如蓬蒿謂之聚藻又云扶風人謂之藻聚為發聲也此二藻皆可食煮熟按去腥氣米麵糝蒸為茹嘉美揚州饑荒可以當穀食也

遂蕩馬尾注廣雅曰馬尾蒿陸本草云別名蕩今關西

亦呼為蕩江東為當陸音義遂他六反蕩呂郭他羊反謝他唐反廣雅云馬尾蒿

陸也郭云江東呼為當陸一名蕩根一名疏藥草蒿陸夜呼如人形者有神蒿音商本亦作商也一名遂

蕩一名馬尾郭云廣雅曰馬尾蕩陸本草云別名蕩今關西呼為蕩江東為當陸案本草蒿陸一名蕩根一名

夜吁不同者所見本異也今注云一名白昌一名當陸是也

萍萍注水中浮萍江東謂之藻其大者蘋注詩曰于以

采蘋音義

萍音平萍音瓶藻郭音飄婢逕反廣疏舍人雅云藻萍也蘋毗人反說文作蘋

一名萍大者名蘋郭曰水中浮萍江東謂之藻陸璣毛詩義疏云今水上浮萍是也其粗大者謂之蘋小者曰萍季春始生可糝蒸為茹又可苦酒淹以就酒注詩曰于以采蘋召南采蘋篇文也

蒹蒹葵注頗似葵而小葉狀如藜有毛洵啖之滑音義

蒹虛祈反蒹湯故反疏蒹一名蒹葵郭云頗似葵小葉葵夫唯反洵以灼反狀如藜有毛洵啖之滑者洵葵也案本草唐本注云苗如石龍芮葉光澤花白似梅莖紫色葵汁極滑堪噉爾雅釋草一名蒹所在平澤皆有

田間人多識之是也

芹楚葵注今水中芹菜疏

郭云今水中芹菜案本草云水芹一名水英陶注云二月

三月作英時可作菹及瀹食之又有渣芹可為生菜亦可生噉別本注云芹有兩種荻芹取根白色赤芹取莖葉並堪作菹及生菜是也○渣音植

藟牛藟注今江東呼草為牛藟者高尺餘許方莖葉長

而銳有穗穗間有華華紫縹色可淋以為飲音義

藟吐回反

藟大回反穗音遂說文作采云禾成秀人所收也穗俗字廣雅云采藟采也縹匹眇反又匹眇反字林云青白色淋音林字林疏藟一名牛藟詩小雅云言采其藟鄭云以水沃也

箋云藟牛藟郭云今江東呼草為牛

蕓者高尺餘許方莖葉長而銳有穗穗間有華華紫
綠色可淋以為飲者字林云縹青白色淋以水沃也

蕓牛脣注毛詩傳曰水蕓也如蕓斷寸寸有節拔之可

復音義

蕓音續脣音 疏李巡曰別二名郭云如續斷寸
脣蕓音昔 寸有節陸璣以為今澤蕓也郭

氏所不取詩魏風汾沮洳云彼汾一
曲言采其蕓毛傳云蕓水蕓是也

葦蕓注今蕓蒿也初生亦可食音義

葦皮英反 蕓一
蕓力大反 疏葦

名蕓蕭郭云今蕓蒿也初生亦可食詩小雅云呦呦鹿
鳴食野之葦陸璣云葉青白色莖似著而輕肥始生香

可生食又
可蒸食也

連異翹注一名連茗又名連草本草云音義

翹字亦作
翹祁饒反

本草連翹一名異翹一名軹一名疏連一名異翹郭云
蘭華一名折根一名三廉茗音條疏連一名連茗又名連
草本草云者案今水草連翹一名異翹一名蘭華一名
折根一名軹一名三廉不同者所見本異也唐本注云
此物有兩種大翹小翹大翹葉狹長如水蘇花黃可愛
生下濕地著子似椿實之未開者作房翹出衆草其小
翹生岡原之上葉花實皆
似大翹而小細耳是也

澤烏壤注即上藻也疏

即上藻生於水澤者然形所未詳

傅橫目注一名結縷俗謂之鼓箏草音義

傅音付橫如字胡彭反或

音黃縷本亦作縷力主反箏側耕反疏

傅一名橫目草蔓延生郭云一名結縷俗謂之鼓箏草是也

釐蔓華注一名蒙華音義

釐力基反蒙亡公反疏釐一名蔓華郭云一名蒙華

葳蕤攔注葳今水中芰音義

葳字又作葳力矜反葳居月反攔七悲反孫居郡反

又居羣反芰巨義反字林云楚人名葳曰芰

疏

葳一名葳攔郭云葳今水中芰者字林云楚人名葳曰芰

可食國語曰屈到嗜

芰俗云葳角是也

大菊蓮麥注一名麥句薑即瞿麥音義

菊居六反蓮音渠或音劬字或

作連音同麥字亦作表郭云蓮麥一名麥句薑即瞿麥

廣雅云芰姜麥句薑蓮麥本草瞿麥一名巨句麥一名

大菊一名大蘭陶注云一莖生疏大菊一名蓮麥藥草

細葉華紅紫亦可愛瞿求于反也郭云一名麥句薑

即瞿麥廣雅云芰姜麥句薑瞿麥案本草云瞿麥一名

巨句麥一名大菊一名大蘭陶注云今出近道一莖生

細葉花紅紫亦可愛

子頗似麥故名瞿麥

薺牡薺注未詳前山莓注今之木莓也實似蔗莓而大

亦可食音義

薺波麥反牡亡后反薺了旦反薺子賤反
莓音每又音梅後注同蔗皮苗反又皮表

反

疏

山莓一名薺郭云今之木莓也實
似蔗莓而大亦可食蔗莓說在下

齧苦董注今董葵也葉似柳子如米泔食之滑音義

五

結反董音謹

疏

齧一名苦董可食之菜也郭云今董葵
也葉似柳子如米泔食之滑者本草唐

灼反

本注云此菜野生非人所種俗謂之莖菜葉似蕺花紫色者內則云董莖粉榆是也本草云味甘此云苦者古

人語倒猶甘草
謂之大苦也

薄石衣注水苔也一名石髮江東食之或曰薄葉似麵

而大生水底亦可食音義

薄徒南反苔徒來反或大之反郭云一名石髮水青衣也

底丁疏

薄一名石衣郭云水苔也一名石髮江東食之禮反者案本草有陟釐別本注云此即石髮也色類

苔而麤澀為異郭又云或曰薄葉似髓而大生水底亦可食者即本草海藻一名薄陳藏器本草云大葉藻也生深海中及新羅葉如水藻而大海人取之正在深海底以繩繫腰因没水下刈得旋繫繩上五月已後當有大魚傷人不可取也

鞠治牆注今之秋華菊音義

鞠字或作菊居六反說文云鞠治牆也又作鞠云日

精疏鞠一名治牆郭云今之秋華菊案月令季秋云菊有黃花本草云菊華一名節華陶注云菊有兩種

一種莖紫氣香而味甘葉可作羹而食者為真一種莖青而作蒿艾氣味苦不堪食者名苦薏非真也

唐蒙女蘿女蘿菟絲注別四名詩云爰采唐矣音義

音蘿

羅別彼

疏

孫夫曰別三名郭云別四名則唐與蒙或并或別故三四異也詩經直言唐而傳云唐蒙

也是以蒙解唐也則四名為得下云蒙玉女郭云即唐也是又名玉女然則唐也蒙也女蘿也菟絲也玉女也凡五名詩頌弁云萬與女蘿毛傳云女蘿菟絲陸璣云今菟絲蔓連草上生黃赤如金今合藥菟絲子是也注詩云爰采唐矣廊風桑中篇文也

苗菴注未詳莖葉蓋注覆蓋也實似莓而小亦可食音

義

苗郭他六反又徒的反說文云從由聲菴郭湯彫他周二反顧他迪反莖苦圭反葉去悅反蓋步昆反覆

芳服

疏

莖一名葉盆郭云覆蓋也實似莓而小亦可食案本草蓬蘽一名覆盆一名陵藂一名陰藂其

實名覆盆子今注云蓬蘽是覆盆之苗也覆盆乃蓬蘽之子也唐本注云然生處不同沃地則子大而甘瘠地則子細而酸者是也

茱萸草注即烏頭也江東呼為茱萸音義

茱萸及反又起及反茱萸音謹下

注同郭音靳居覲反即烏頭也案本疏茱萸一名茱萸郭草蒟藿一名茱萸草一名茱萸非烏頭也疏云即烏頭也江東呼為茱萸音靳案詩大雅云茱萸茶如飴又晉語驪姬將諧申生寘鴆於酒寘茱萸於肉賈逵曰茱萸烏頭也然則茱萸者其烏頭乎嫌讀為茱萸草之茱故音之

藏百足注未詳菴戎葵注今蜀葵也似葵華如木槿華

音義

藏息康子康二反菴古田反

疏

菴一名戎葵郭云今蜀葵也似葵華如木槿華戎蜀蓋其所自

也因以名之

繫狗毒注樊光云俗語苦如繫音義

繫郭音古系反又苦系反狗音苟

疏繫一名狗毒樊光云俗語苦如繫樊光者京北人後漢中散大夫注爾雅六卷故郭氏取以為說

乖比葉注未詳復盜庚注旋復似菊音義

復郭音服施乎服反郭云

旋復也本草云一名金沸草一名威摠一名威蕪一名戴蕪陶注云花似菊花而大庚本又作蔓同古衛反

疏一

名盜庚郭云旋復似菊本草旋復一名戴蕪一名金沸草一名威摠陶注云出近道下濕地似菊花而大是也

苧麻母注苧麻威子者音義

苧音孚苧七徐反威音成疏苧麻之威子者也一

名苧一名麻母

鮑九葉注今江東有草五葉共叢生一莖俗因名為五

葉即此類也音義

鮑步角反舍人云鮑九葉九枚共一莖樊本鮑字作駁釋云駁也一名九

葉疏

此草九葉叢生一莖然郭亦未詳其狀但舉其類云今江東有草五葉共叢生一莖俗因名為五葉

即此類也

藐苳草注可以染紫一名苳苳廣雅云音義

藐亡角反又亡校反

此子爾反苳藐一名苳草根可以染紫之草廣雅一名苳力計反苳苳本草一名紫丹唐本注云苗似蘭香

莖赤節青花紫白色而實白也

倚商活脫注即離南也藏黃蔞注藏草葉似酸漿華小

而白中心黃江東以作菹食音義

倚謝於綺反或其綺反舍人作猗音同活

如字孫音括脫徒活反字又作兌

疏

藏草一名黃蔞郭云藏草似酸漿華

小而白中心黃江東以作菹食

藹車芑輿注藹車香草見離騷音義

藹去竭反謝起例反郭去謁反車音

居本多無此字芑謝去訖反沈又虛訖反輿字疏香草或作蕓音餘唯郭謝及舍人本同衆家並作蔞也一名藹車一名芑輿郭云藹車香草見離騷者離騷云畦留夷與藹車兮雜杜衡與芳芷是也

權黃華注今謂牛芸草為黃華華黃葉似菽音義

權其

圓反芸音云菽音目本亦作目菽音肅

疏

權一名黃華郭云今謂牛芸草為黃華華黃葉似菽音說文亦

云芸草也似苜蓿淮南子說芸草可以死復生月令注云芸香草也雜禮圖曰芸蒿也葉似邪蒿香美可食然則牛芸者亦芸類也郭以時驗而言之故云今謂牛芸草為黃華也

蒹春草注一名芒草本草云音義

蒹彌疏藥草也郭云爾反一名芒草本

草云者案本草芒草一名蒹一名春草陶注云今是處皆有葉青辛烈者良今俗呼為茵草也郭云芒草者所見本異也

葵葵繫露注承露也大莖小葉華紫黃色音義

葵音疏煩

葵類一名葵葵一名葵露郭云承露也大莖小葉華紫黃色

味莖藷注五味也蔓生子叢在莖頭音義

味音味又亡戒反莖直其

反藉疏藥草也一名茱一名莖藉郭云五味也蔓生子
音除業生莖頭察本草五味子一名會及一名玄及
唐本注云五味皮肉甘酸核中辛苦都有鹹味此則五
味具也其葉似杏而大蔓生木上子作房如落葵大如
子嬰

荼委葉注詩云以苾荼蓼音義

荼音徒委於說反或於危反字或作萑同苾本

或作萑火羔反又作楸同疏穢草也舍人曰荼一名委
說文苾或作萑字蓼音了葉王肅說詩云荼陸穢草
然則荼者原田蕪穢之草非苦菜也詩云以苾荼蓼
此周頌良耜篇文苾耘除也今詩本苾作萑音義同

皇守田注似燕麥子如彫胡米可食生廢田中一名守

氣疏

皇一名守田郭云似燕麥子如彫胡米可食生廢田中一名守氣彫胡即菰也

鈎藤姑注鈎瓢也一名王瓜實如砲瓜正赤味苦音義

鈎古候反藤本或作睽顧謝同音圭孫苦圭反鈎疏鈎一作瓠五候反瓢力候反字林云瓠瓢王瓜也

名藤姑一云鈎瓢也一名王瓜實如砲瓜正赤味苦本草云王瓜一名土瓜陶注云即今土瓜生蘿院亦有子熟時赤如彈丸根大唐本注云此物蔓生葉似栝樓圓無义缺子如梔子生青熟赤但無稜爾根似葛細而多

也攆是

望藥車注可以為索長丈餘音義

藥本又作乘施音繩謝市證反索悉各反

下疏望一名藥車郭云同疏可以為索長丈餘

困穉祿注未詳攬烏階注即烏杞也子連相著狀如杞

齒可以染阜音義

被居業反祥施音絳孫蒲空反攪沈居縛反把白麻反字從木下同著直

畧反阜音造

疏攪

一名烏階郭云即烏把也子連相著狀如把齒可以染阜今俗謂之狼把是也

杜土函注杜衡也似葵而香音義

杜郭云杜衡也似葵而香案本草云杜衡

味辛香人衣體陶注云根葉都似細辛唯氣小異耳本草經又有杜若一名杜衡陶注云葉似薑根亦似高良薑而細氣味辛香又絕似旋復根殆欲相亂如陶之言二種並不似葵或恐郭誤耳土他覩反函音魯衡字或作蘅疏香草也一名杜一名土函郭云杜衡也似葵而音行疏香本草唐本注云杜衡葉似葵形如馬蹄故俗云馬蹄香生山之陰水澤下濕地根似細辛白前等山海經云天帝山有草其狀如葵其臭如麝蕪名曰杜衡可以走馬食之已癭是也

盱眙林注蛇林也一名馬林廣雅云音義

盱音于虺音于虺虛鬼

反郭云蛇林也廣雅云一名馬林本草云蛇林子一名

蛇粟一名蛇米一名虺林一名思益一名繩毒一名素

棘一名牆藤陶注疏盱一名虺林郭云蛇林也一名馬

云華葉正似蘆蕪林廣雅云案本草蛇林一名蛇米

一名虺林一名思益一名繩毒一名素棘一名牆

藤陶注云近道田野墟落間甚多花葉正似蘆蕪

棘菽注未聞赤抱薊注即上抱薊菟葵顆凍注款冬也

紫赤華生水 中音義

棘音米菽樊本作棘菽麥音五刀反抱音包又音浮薊音計顆苦果

反或音款凍謝音東施都弄反讀者亦音冬郭云款凍

也生水 中案本草云款冬一名素吾一名顆凍一名虎

鬚一名菟葵一名氐冬陶注云其冬月疏藥草也一名

在冰下生則應是冬恐承音作字異耳疏菟葵一名顆

凍郭云款冬也紫赤莖生水中案本草款冬一名紫莖
一名顆凍一名虎鬚一名菟奚陶注云形如菖蓐未舒
者其腹裏有絲其花乃似大菊花唐本
注云葉似葵而大叢生花出根下是也

中馗菌注地蕈也似蓋今江東名為土菌亦曰馗厨可

啖之小者菌注大小異名音義
馗求龜反郭音仇字則
當作頡舍人本作中馗

云菟奚名顆東顆東名中馗菌郭巨隕反孫去貧反蕈
亂荏反案今人呼菌為蕈葛洪字如同云世作椹蕈二
字非也字林式甚反或云桑
蕈也沈徒感反蕈人菟反
疏此辨菌大小之異名也
大者名中馗小者即名

菌郭云地蕈也似蓋今江東人名為土菌亦曰馗厨可
啖之者說文云蕈桑蕈也謂菌生木上也今云地蕈即

俗呼地菌
者是也

敢小葉注未聞茗陵茗注一名陵時本草云黃華葉白

華菱注茗華色異名亦不同音義

敢豬葉反又阻留反茗徒舟反下同葉必

遙反菱郭音沛補蓋反又音撥說文云草之白華為菱音布末反

疏

茗一名陵茗本草一名陵時舍人曰

茗陵茗也黃華名葉白華名菱別花色之名也陸璣疏云一名鼠尾生下濕水中七八月中華紫似今紫草可

染阜煮以沐髮即黑詩小雅云茗之華芸其黃矣鄭箋云陵茗之華紫赤而繁陸璣亦言其華紫色而此云黃白者蓋就紫色之中有黃紫白紫耳及其將落則全變為黃故詩云芸其黃矣毛傳云將落則黃是也

蘼從水生注生於水中音義

蘼亡悲反蘼疏草從水生草生江水中者曰蘼故

注云生於水中

薇垂水注生於水邊音義

薇音微又音眉顧云水濱生故曰垂水

疏

草生於水

濱而枝葉垂於水者曰薇故注云生於水邊也

薜山麻注似人家麻生山中音義

薜卑疏麻生山中者麥反名薜故注云

似人家麻生山中也

莽數節注竹類也節間促桃枝四寸有節注今桃枝節

間相去多四寸鄰堅中注竹類也其中實簡荼中注言

其中空竹類仲無筍注亦竹類未詳筍箭萌注萌筍屬

也周禮曰蕙菹鴈醢篠箭注別二名音義

莽莫朗反數色角反數猶

促也促七玉反齶字又作薺音吝又音鱗簡字或作慙
密謹反又亡忍反荼郭音徒又音攄施音儲筦本又作
亢戶剛反憲音待說文云竹萌生也字林大才反萌亡
耕反荀思尹反菹側於反醢音海篠思了反字林作筱
云小竹也疏此辨竹節希數及中空實萌篠之異名也
別彼列反凡竹節間促數者名莽相去四寸有節者
名桃枝竹其中堅實者名齶其中空者名簡荼空中仲
無筦注未詳憲一名箭萌即荀也篠一名箭書曰篠蕩
既敷釋地云會稽之竹箭是也郭云今桃枝節間相去
多四寸者郭以時驗而言也尚書顧命云敷重篋席孔
安國云篋桃枝竹周禮春官司几筵云加次席黼純鄭
注云次席桃枝席有次列成文是也注周禮曰憲菹鴈
醢者天官醢人職文也彼文作落
鄭玄注云落箭萌字雖異音義同

枹霍首素華軌駸注皆未詳芑夫王注芑草生海邊似

莞蘭今南越人采以為席音義

枹音包霍戶各反素蘇故反又作索驪子工反

郭音總芷郭他古反案今南人以此草作席呼為芷音杜夫謝方于反孫音苻莞古丸反字又作藿誤蘭力刃反字林云疏芷草一名夫王郭云芷草生海莞屬也邊似莞蘭今南越人采以為席

藜月爾注即紫藜也似蕨可食音義

藜郭音其紫藜菜也說文云藜芷夫

也或作其非也案說文云其疏藜一名月爾可食之菜豆莖施謝並音其蕨音厥也郭云即紫藜也似蕨

可食

歲馬藍注今大葉冬藍也音義

歲之林反又音疏歲一咸藍力甘反名馬

藍郭云今大葉冬藍也今為澁者是也

姚莖涂齊注未詳芴地黃注一名地髓江東呼芴音義

莖謝戶耕反施郭於耕反涂音徒芴音戶本疏藥草也

草地黃一名地髓一名芴一名芴一名芴素累反郭云一

名地髓江東人呼芴案本草地黃一名地髓一名

芴一名芴陶注云生渭城者乃有子實實如小麥

蒙玉女注蒙即唐也女蘿別名拔龍葛注似葛蔓生有

節江東呼為龍尾亦謂之虎葛細葉赤莖音義

拔步八反龍力

恭疏拔一名龍葛葛類也郭云似葛蔓生有節
反江東呼為龍尾亦謂之虎葛細葉赤莖

蕞牡茅注白茅屬音義

蕞音速牡木后疏茅之不實者
反茅亡交反也一名蕞一

名牡茅郭
云白茅屬

卷耳苓耳注廣雅云泉耳也亦云胡泉江東呼為常泉

或曰苓耳形似鼠耳叢生如盤音義

卷謝作卷九轉反耳詩卷耳是也本

草作泉耳云一名胡泉一名地葵一名菘一名常思陶注云一名羊負來昔中國無此物言從外國逐羊毛中

來也廣雅云苓耳蒼耳菘常泉疏卷耳一名苓耳郭云胡泉之類耳苓音零泉音死廣雅云泉耳也亦云

胡泉江東呼為常泉或曰苓耳形似鼠耳叢生如盤詩周南云采采卷耳陸璣疏云葉青白色似胡荽白華細

莖蔓生可煮為茹滑而少味四月中生子如婦人耳瑤幽州謂之爵耳是也

蕨龍注廣雅云紫綦非也初生無葉可食江西謂之龍

音義

蕨卑減反字亦作驚案此即今蕨菜也葉初出驚蔽因以名云廣雅云紫綦非也疏可食之菜

也舍人曰蕨一名鼈郭云廣雅云紫綦非也初生無葉可食江西謂之鼈詩召南云言采其蕨陸璣疏云蕨山菜也初生似蒜莖紫黑色可食如葵是也

蕎 音巨案本草云大戟一名印

蕎居蕎反又音

音巨案本草云大戟一名印疏蕎一名印鉅郭云今藥鉅今近道處處有戟九逆反草大戟也本草云者案

本草大戟一名印鉅苗名澤漆陶注云今近道處處有生時摘葉有白汁故名澤漆也

繁 由胡注未詳**苾杜榮** 注今芒草似茅皮可以為繩索

履屬也音義

繁音煩苾音亡字亦作芒杜疏芒草一名徒土反舍人作杜屬大畧反杜榮郭云

今芒草似茅皮可以為繩索履屬也者屬草履也

稂童梁注稂莠類也音義

稂音郎說文云禾粟之莠生而不成者莠羊久反詩云不

稂不莠

疏

舍人曰稂一名童梁郭云稂莠類也詩曹風云漫彼苞稂陸璣疏云禾莠為穗而不成則莠然

謂之童梁今人謂之宿田翁或謂之守田也大田云不稂不莠外傳曰馬不過稂莠皆是也

蔗蔗注蔗即莓也今江東呼為蔗莓子似覆盆而大赤

酢甜可啖音義

蔗謝蒲苗反或力驕反孫蒲矯反字林工兆反顧平表白交普苗三反蔗謝蒲

表反郭又符囂反覆芳伏反酢七故反甜大廉反

疏

蔗一名蔗郭云蔗即莓也今江東人呼為蔗莓子似

覆盆而大酢甜可啖

的藪注即蓮實音義

的丁歷反藪字的又一名藪即又作藪戶歷反上釋荷云其實

蓮其中的也故

郭云即蓮實

購商萋注商萋萋蒿也生下田初出可啖江東用羹魚

音義

購古豆反又古侯反商音商疏舍人曰購一名商

也生下田初出可啖江東用羹魚詩周南漢廣云翹翹錯薪言刈其萋陸璣疏云其葉似艾白色長數寸高丈餘好生水邊及澤中正月根牙生旁莖正白生食之香而脆美其葉又可蒸為茹是也

芎勃芎注一名石芸本草云音義

施謝二芎皆音列沈上音例下音列勃蒲

沒疏芎一名勃芎郭云一名石芸本草云者案反疏本草石芸味甘一名螫烈一名顧喙是也

萋繞棘窵注今遠志也似麻黃赤華葉銳而黃其上謂

之小草廣雅云音義

萋烏了反棘居力反菟於袁反又於阮反廣雅云棘菟遠志也其上

謂之小草案本草遠志一名棘菟一名疏藥草也萋繞

蔓繞一名細草遠志字又作蓮蕊非 疏藥草也萋繞

云今遠志也似麻黃赤華葉銳而黃其上謂之小草廣雅云者案本草遠志一名細草其葉名小草陶注云小草狀如麻黃而青今注云遠志莖葉似大青而小廣雅云棘菟遠志也其上謂之小草是也

策刺注草刺針也關西謂之刺燕北朝鮮之間曰策見

方言音義

策初革反方言云凡草木而刺人者北燕朝鮮之間謂之策刺字又作刺又作刺七賜反

注同方言云關西呼策壯疏謂草針刺人也一名策又為刺朝直送反鮮音仙 疏謂草針刺也一名策又

謂之刺燕北朝鮮之間曰策見方言者案方言凡草木刺人北燕朝鮮之間謂之策或謂之壯自關而東或謂

之梗或謂之刺自閩而西謂之刺江湘之間謂之棘是也

蕭荻注即蒿音義

荻音狄

疏

李巡云荻一名蕭陸璣云今人所謂荻蒿者是也或云牛

尾蒿似白蒿白葉莖鹿科生多者數十莖可作燭有香氣故祭祀以脂藝之為香許慎以為艾蒿非也郊特牲云既奠然後藝蕭合馨香是也

蔣海藻注藥草也一名海蘿如亂髮生海中本草云音

義

蔣徒南反藻子老反本亦作藻本草一名落首一名蔣郭云一名海蘿疏蔣又名海藻郭云藥草也

一名海蘿如亂髮生海中本草云者案本草一名落首一名薄陶注云生海島上黑色如亂髮而大小許葉大

都似

藻葉

長楚鈔芑注今羊桃也或曰鬼桃葉似桃華白子如小

麥亦似桃音義

長耳良反鈔羊招反或羊召反字或疏
作鈔芑音翼字亦作芑麥亡革反

舍人曰長楚一名鈔芑本草云鈔芑名羊桃郭云今羊
桃也或曰鬼桃葉似桃華白子如小麥亦似桃詩檜風
隰有萋楚陸璣疏云今羊桃是也葉長而狹華紫赤色
其枝莖弱過一尺引蔓于草上今人以爲汲灌重而善
沒不如楊柳也近下根刀切其
皮著熱灰中脫之可韜筆管

藟大苦注今甘草也蔓延生葉似荷青黃莖亦有節節

有枝相當或云藟似地黃音義

藟詩作苓力丁反疏
藟音萬延餘見反草

也藟一名大苦郭云今甘草也蔓延生葉似荷青黃莖
亦有節節有枝相當或云藟似地黃詩唐風云采苓采

苓首陽之巔是也蒸
與苓字雖異音義同

茱萸馬烏馬烏車前注今車前草大葉長穗好生道邊

江東呼為蝦蟆衣音義

茱音浮萸字亦作苾音以見詩
說文云茱萸馬扁也其實如李

令人宜子周書所說烏四夕反車昌遮反穗音逆好呼
報反蝦音遐蟆字又作蟊亡已反本草云車前一名當

道一名茱萸一名蝦蟆衣一名牛
疏藥草也別三名郭

遺一名勝烏久服令人身輕不老
云今車前草大葉

長穗好生道邊江東呼為蝦蟆衣詩周南云采采茱萸

陸璣疏云馬烏一名車前一名當道喜在牛跡中生故

曰車前當道也今藥中車前子是也幽州人謂之牛舌

草可繫作茹大滑其子治婦人產難王肅引周書王會

云茱萸如李出於西戎王基駁云王會所記雜物奇獸

皆四夷遠國各齎土地異物以為貢贄非周南婦人所

得采是芣苢為馬烏
之草非西戎之木也

綸似綸組似組東海有之注綸今有秩嗇夫所帶糾青
絲綸組綬也海中草生彩理有象之者因以名云帛似

帛布似布華山有之注草葉有象布帛者因以名云生

華山中音義

綸古頑反下同組作古反
下同秩直乙反嗇音色

疏

此辨草似綸
組布帛者以

其所似因名其草也綸是糾青絲繩也組綬也東海有
草文理似之即名綸草組草華山有草葉似帛布者因
名帛草布草也案漢書百官公卿大夫表云十里一亭
十亭一鄉鄉有三老有秩嗇夫有游徼三老掌教化嗇
夫掌獄訟游徼掌禁盜賊故漢書云張敞以鄉有秩補
太守卒史又云朱邑為桐鄉嗇夫又續漢書百官表云

鄉置有秩三老游徼有秩郡所置秩百戶其鄉小者縣所置嗇夫察此則有秩嗇夫職同但隨鄉大小故名異耳名雖異皆糾青絲為綸以帶佩之則同至東晉尚然故郭云今也張華云綸如宛轉繩

芄東蠶注未詳繇馬羊齒注草細葉葉羅生而毛有似

羊齒今江東呼為鴈齒繅者以取繭緒音義芄戶剛反本亦作芄

蠶音禮繇武延反繅先刀反字林云繅繭也本亦作繇又作繇非也繇宜音干少反繇音所銜反繭古典反張揖云繭疏繇馬一名羊齒郭云草細葉葉羅生而毛有續新絲似羊齒今江東人呼為鴈齒繅者以取繭緒者說文云繅澤繭為絲也緒絲端也以此草似羊齒而毛故繅者用之以取繭緒也

落麋舌注今麋舌草春生葉有似於舌音義落古活反麋音眉

疏落草春生葉似麋舌故活一名麋舌
郭云今麋舌草春生葉有似於舌

寡拒胸注未聞繁之醜秋為蒿注醜類也春時各有種

名至秋老成皆通呼為蒿音義寡施居展反謝去虔反

勇疏醜類也此言繁蕭莪之類春始生氣味既異故其
反名不同至秋老成則皆蒿也郭云醜類也春時各

有種名至秋老成
皆通呼為蒿也

芙蓉其實芩注芙蓉與薊莖頭皆有薊臺名芩即其實也

音義

芙蓉顧烏老反謝烏兆反說文云味苦江東食以
下氣薊音計芩香于芳于二反下同注音倂同薊

鳥孔疏薊莖頭皆有薊臺名芩即其實也

蕙芻茶注即芳蕙蕙芳注皆芳茶之別名方俗異語所

未聞音義

葉芳音反又必招反茶郭音徒又音蛇蕙必
違反又方瓢反又方么反字從三犬俗從三

火非也或字林弋劍反云火花也蕙郭方驕反謝

疏此

符苗反一音皮兆反芳徒彫反字或作茗下同

辨

芳茶之別名也案鄭注周禮掌茶及詩有女如荼皆云

茶茅秀也葉也芻也其別名茶即芳也芳又一名蕙又

名蕙皆萑茅之屬華秀名也故注云皆芳茶之別

名方俗異語所未聞言未聞者謂未聞其所出也

葦醜芳注其類皆有芳秀音義

葦于鬼反疏葦即蘆之
謝于歸反成者其類

皆有芳
秀也

葦華注即今蘆也蕙蕙注似萑而細高數尺江東呼為

蘆葭蘆注葦也莢亂注似葦而小實中江東呼為烏莢

其萌蘆注今江東呼蘆筍為蘆然則荏葦之類其初生

者皆名蘆音繾繾音義

葭音加蒹古謙反蘆力占反荏音桓字林作荏數所主反莢他

敢反說文作荏云莢或荏字亂五患反莢郭音邱說文云烏莢草也張揖云未秀曰烏區蘆郭音繾邱阮反本或作蘆非蘆音權說文云曲疏此辨蒹葭等生成之異名也葭一名華即今蘆

弓也繾弃善反或去忍反

也葦之未成者蒹一名蘆郭云似荏而細高數尺江東呼為蘆案詩秦風云蒹葭蒼蒼陸璣云蒹水草也空實

牛食令牛肥繾青徐人謂之蘆兗州遼東通語也葭一名蘆莢一名蘆李廵曰分別葦類之異名郭云蘆葦也

莢似葦而小實中江東呼為烏莢如李廵云蘆亂共為一草如郭云則蘆亂別草案詩大車傳云莢離也蘆之

初生則毛意亦以葭莩為一草也案詩衛風碩人云葭莩揭揭陸璣云葭或謂之荻至秋堅成則謂之萑其初生三月中其心挺出其下本大如箸上銳而細揚州人謂之馬尾以今語驗之則蘆葦別草也其萌名蘆郭云今江東人呼蘆筍為蘆然則萑葦之類其初生者皆名蘆注音縲縲從公無通外內此傳云縲縲從公無通外內此取蘆與縲字音同不為義也

滄 葦皇華榮注釋言云華皇也今俗呼草木華初生者

為葦音豬豬滄猶敷滄亦華之貌所未聞音義滄羊朱反葦郭

音豬羊樵反顧羊述反謝私尹疏此別草木榮華之異反樊本作葦皇音皇本亦作皇疏名也滄言華之數貌

葦華初生之名也葦華單也所未聞云未聞者亦未聞所出也注音豬豬者釋獸云豬豬郭云俗呼小豬豬為

豬子此亦取笋與豬
音同其義則異也

卷施草拔心不死注宿莽也離騷云音義

卷施並如字
施或作菴同

疏卷施草一名宿莽拔其心亦不死也案離騷經云朝
搴阰之木蘭兮夕擊中洲之宿莽王逸云草冬生不

死者楚人名
之曰宿莽

茝注今江東呼藕經緒如指空中可啖者為茝茝即

此類音義

茝于閔反茝字又作艾胡巧反又胡交
反廣雅云根也藕五口反啖大散反疏茝一

名茝謂草根可食者也亦笋類也非一種故郭氏舉類
以曉人云今江東呼藕經緒如指空中可食者為茝茝

即此類
是也

芟根注別二名俗呼韭根為芟音義

芟顧謝音該郭音皆說文云草根也

別彼列反 疏

凡草根一名芟郭云別二名俗呼韭根為芟此舉一隅也

獲囊舍注未詳音義

獲俱縛反索音託

華荂也注今江東呼華為荂華荂榮也注轉相解木謂

之華草謂之榮不榮而實者謂之秀榮而不實者謂之

英音義

荂音香于芳于二反下同說文云草木華也不榮衆家並無不字郭雖不音注而音義引不榮

之物證之則疏李巡云分別異名以曉人也華一名荂郭本有不字疏郭云今江東呼華為荂又一名榮郭云

轉相解木則名華月令春季春桐始華草則名榮月令仲夏木槿榮此對文爾散文則草亦名華鄭風云隰有荷

華是也不見其榮但見其實者曰秀詩大雅云實秀實
發有其榮而不實者曰英此亦對文爾故以英為不實
其實黍稷皆先榮後實詩小雅出車
云黍稷方華是嘉穀之秀必有榮也

爾雅注疏卷八

爾雅注疏卷八考證

釋草第十三

葑山韭荅山蔥葑山齏蒹山蒜○後漢書馬融傳格韭
菹于注荅與格古字通葑廣韻又作葑

薜山蘄注當歸今似蘄而粗大○陸本粗作麇

椶木槿櫬木槿○陸本槿作堇玉篇木堇朝生夕隕可
食亦作堇

朮山薊○鄭樵曰蒼朮也

楊抱薊○鄭樵曰白朮也

箭王萁○鄭樵曰稜櫚也

菘王芻○臣照按菘通作綠詩小雅采綠篇終朝采綠
注王芻也似非菘竹之菘陸本菘作菘

蒿菽注今人呼青蒿香中炙啖者為菽○陸本啖作啗
齧彫蓬薦黍蓬○鄭樵曰彫蓬米莩也其米謂之彫胡
黍蓬野艾也以只可為薦故曰薦

薪莫大薺○鄭樵曰似薺菜但葉差大而莖稍高耳

漆虎杖○鄭樵曰似馬蓼但無毛耳所在有之

孟狼尾○石經孟作孟鄭樵本同玉篇蓋狼尾草也

果羸之實栝樓○鄭樵曰今亦曰瓜蒌

荼苦菜○鄭樵曰今人呼苦益

藟綬○鄭樵曰疑即赤孫施草也

漆稷○鄭樵曰今謂之糝五穀之長故以為漆盛狀如

蘆荻結穗亦相似

衆秣○鄭樵曰本名梁

戎叔謂之荏菹○陸本叔作赤

菹雀卉注未詳○石經卉作弁毛本同

懷烏菹菹菹紫菹菹注皆未詳○臣照按本草懷香

注北人呼為尚香聲相近也菹玉篇白菹也詩唐風

葛生篇菹蔓于野疏菹似栝樓葉盛而細又烏菹本

草五葉如白菹紫陸璣曰春始生香美可蒸食

黃菹瓜○鄭樵曰俗呼新羅葛

菹懷羊注未詳○類篇芋之惡者曰菹

芟牛蘄注今馬蘄○本草馬蘄一名野茴香

渣灌注未詳茵芝○臣照按渣灌茵芝當是一節渣灌者即茵芝皆濕生可食之物茵如今豆芽木耳之類集韻茵徐由切音囚草生水田子可食芝禮內則芝栴芟棋鄭注人君燕食所加庶羞也疏無華而實者名栴芝屬也芝栴一物亦作孺本草別錄木生者為孺地生者為茵類篇一作槩音而一作孺與栴相同木耳別名生枯木上形如耳故名木耳

葛藟○鄭樵曰即商陸也

芡委萎○陸本委作萎

蒟芋芡注未詳○臣照按神農本草蒟蒻一名鬼芋唐
段成式酉陽雜俎蒟蒻根大如椀至秋葉滴露隨滴
生苗

竹篇畜○石經詩衛風淇澳篇綠籥如簧籥音竹今作
竹韓詩外傳綠籥猗猗籥篇筑也玉篇篇筑作篇筑
臣照按詩爾雅注疏所言淇澳菴竹皆非竹也如今

淡竹葉之類在竹與草之間然漢武伐淇陽之竹以塞河見于史記漢書則明是竹矣諸儒異議只因不思菴與綠通菴者竹色非別有菴竹也即此竹篇畜亦祇是竹言竹又名篇畜耳篇畜猶言林立竹無孤生故也豈別有物耶

歲寒漿○陸本寒作寒

菴英○集韻英作莢

鈎笑○鄭樵曰苦笑也今謂之雞頭

蓀脩○鄭樵曰蓀即茗也 臣照按詩陳風防有藟菓即
有旨茗疏茗饒也幽州人謂之翹夏生莖如勞豆而
細葉似蒺藜而青其莖綠色可生食如小豆藿蓀與
條同史記周勃世家亞夫封為條侯注條表皆作蓀
臺夫須○陸本須作蓀鄭樵曰即雲臺菜也

薜廋草注未詳○鄭樵曰藤生蔓延墻樹間花生頗似
薜荔

藪蓀蓀○石經藪作藪陸本作藪鄭樵曰可為菜茹兼

作牙藥

離南活芫○陸本離作離鄭樵曰通草也韋白可作婦
人首飾

龍天菴須葑從注未詳○陸璣草木疏龍一名馬蓼即
今之水荳草管子地員篇其山之淺有龍與斥須鄭
樵曰菘葑也積舊艾頭而或封茂者陸本須作須

芴隱葱○鄭樵曰牛芴也葉似芥

茵蘆○鄭樵曰可為屨生鹵地

蘄菖蘼蕪○陸本蘼作靡

菌鹿藿其實菴注蔓延生○陸本鹿作麋延作莛菴一作菴又作菴

藹侯莎其實媿○鄭樵曰或云即香附子其根生塊似實爾雅誤以為實也如莎草之類皆無實

莞苻離其上蒿○臣照按玉篇蒲蒿謂今蒲頭有臺臺上有重臺中出黃即蒲黃蓋苻即古蒲字也

其華菡萏○陸本菡作菡

紅龍古其大者歸注俗呼紅草為龍鼓○陸本龍鼓作龍古

菲蔥菜○鄭樵曰即遂菜也

篇符止灤貫衆○臣照按陸本引本草云貫衆一名篇符邢疏貫衆一名貫節一名貫渠一名篇符然則篇符者止灤也貫衆也止灤二字為句亦貫衆之別名矣今文篇符止為一節注云未詳灤貫衆為一節疏云一名篇符其為傳寫之訛必也

萍萍○陸本萍作革萍作萍

其大者蘋○鄭樵曰蘋舊說即萍類而大者按萍屬不可食此必蓴類葉亦圓浮水上如萍也臣照按韓詩沉者曰蘋本草集解四葉合成一葉如田字者蘋也爾雅翼蘋似槐葉而連生淺水中五月有花白色故謂之白蘋

藟牛脰○鄭樵曰即羊蹄菜

藟牛脰○陸本脰作藟鄭樵曰狀似麻黃亦謂之續斷

生沙阪

連異翹○鄭樵曰亦名旱蓮狀似當歸而非鱧腸也

澤烏蘘○鄭樵本蘘作蔞

大菊蘧麥○鄭樵曰叢生莖細弱今人多植庭院間其
花與葉皆可愛故有南天竹之名

唐蒙女蘿女蘿菟絲○陸本唐作唐

荷戎葵○陸本戎作莪

苧麻母○苧石經陸本鄭樵本皆作苧音字注以為布

喪服所用俗謂黃麻

倚商活脫○陸本商作商

藏黃蔕注江東以作菹食○陸本菹作菹鄭樵曰俗呼
竹茶葉似菹醬

藕車芡輿○鄭樵曰芸蒿也

權黃華○鄭樵曰野決明

終葵繁露○陸本終作終

荼委葉○陸本荼作茶

皇守田○鄭樵曰即童梁也一穗未得數粒穀而易墮
落明年復生故謂之守田

鉤藤姑○陸本鉤作昞姑作姑

望藥車○陸本車作居

杜土鹵○陸本鹵作菌

中馗菌○陸本菌作菌

菽小葉注未聞○陸本菽作菽韻會草叢也

茗陵茗○鄭樵曰陵茗今謂之凌霄花本草謂之紫葳

蔓生依綠樹木皆黃華少見有白華者

仲無筯○鄭樵曰篋管竹

篠箭○陸本箭作箭

蓼月爾○陸本蓼作蓼

姚莖涂薺注未詳○陸本涂作涂

蒙玉女注蒙即唐也○陸本唐作唐

蕝牡茅○陸本蕝作蕝

繁由胡注未詳○陸本繁作繁

的藪○陸本的作蒟

蔓繞棘菟○陸本棘作棘

蕭荻○荻石經陸本皆作荻鄭樵曰今藥家謂之青箱
子

長楚銚芎○陸本長作莖

藪大苦注今甘草也蔓延生○陸本延作莖鄭樵曰沈
存中辨謂為黃藥甚明沈存中筆談云本草注引爾
雅云藪大苦注甘草也蔓延生葉似荷青莖赤此乃

黃藥也其味極苦謂之大苦非甘草也甘草枝葉悉如槐高五六尺但葉端微尖而糙澁似有白毛實作角生如相思角作一本生熟則角拆子如小扁豆極堅齒啣不破

芣苢馬烏馬烏車前○陸本烏作蔦

綸似綸組似組東海有之○鄭樵曰綸鹿角菜也赤而擊屬似綸帶組海苔也似組綬或云綸即昆布

芄東蕘注未詳○鄭樵曰芄亡剛反薜荔也

繇馬羊齒注繇者以取繇緒○鄭樵曰據今人所用為繇緒者多以蕨莽

寡柜胸注未聞繫之醜秋為蒿○臣照按注未聞三字衍文當是寡柜胸繫之醜秋為蒿言寡者柜胸也繫之醜類也至秋則為蒿

蕨蕪芳注未聞○鄭樵曰苕也即管花可為苕帚

葦醜芳○芳石經毛本皆作芳鄭樵本無此三字臣照

按此亦當連上文為一節言蕪者莽茶也蕨者蕪芳


也凡葦之醜類皆可曰芳郭注曰葉即芳

兼廉注似萑而細○陸本萑作藹鄭樵曰荻也蘆屬而
小可為箔

○陸本獲作攬



爾雅注疏卷八考證



覆校官編修臣查瑩

校對官編修臣朱依魯

謄錄監生臣張耀臺

欽定四庫全書薈要

經部
爾雅注疏卷九

詳校官主事銜臣徐以坤



爾雅注疏卷九

晉郭璞注 唐陸德明音義 宋邢昺疏

釋木第十四音義

木之卜反說文云木冒也冒地而生也從少下象其根白虎通云木

陽氣踊躍也疏說文云木冒也冒地而生東方之行也

此種名雖多木為總號

也種名雖多木為總號
此篇析別故云釋木也

栝山榎注今之山楸音義

栝地刀反郭又他皓反榎古
雅反舍人本又作檟楸音秋

疏李巡云山榎一名栝郭云今之山楸秦風云終南何
疏有有條有梅陸璣疏云栝今山楸也亦如下田楸耳

皮葉白色亦白材理好宜為車板能濕又可為棺木宜陽北山多有之

栲山栲注栲似栲色小白生山中因名云亦類漆樹音

義栲音考郭姑老反案方志云櫛栲栲漆相疏舍人曰似如一櫛音勅倫反栲丑於反漆音七栲名山

曰櫛栲栲漆相似如一小生山中因名云亦類漆樹俗語

山栲與下田栲畧無異葉似差狹耳吳人以其葉為茗

方俗無名此為栲者似誤也今所云為栲者葉如櫛木

皮厚數寸可為車輻或謂之栲櫛許慎

正以栲讀為榱今人言考失其聲矣

栲注禮記曰皂以栲音義栲音百栲弓六疏栲一名

記曰皂以栲者上雜記文也彼鄭

注云所以搗鬱也栲栲也是也

髡相注未詳椴施注白椴也樹似白楊音義

髡苦門反
相五門反

椴徒亂反字林云木似白楊一名施施弋支反疏椴一名施郭云白椴也樹似

也施椴鄭注云所謂裨棺也即引此文證之是也

梅柎注似杏實酢音義

梅莫迴反柎而占反又音疏孫南杏戶猛反酢七故反炎

云荊州曰梅揚州曰柎郭云似杏實酢詩秦風終南云有條有梅陸璣云梅樹皮葉似豫樟葉大如牛耳一頭尖赤心華赤黃子青不可食柎葉大可三四葉一叢木理細緻於豫樟子赤者材堅子白者材脆是也

被黏注黏似松生江南可以為船及棺材作柱埋之不

腐音義

被音披又匹彼反黏字或作杉所咸疏被一名反郭音芟又音纖棺音官腐音父黏俗作

杉郭云姑似松生江南可以
為船及棺材作柱埋之不腐

檨檨注袖屬也子大如孟皮厚二三寸中似枳食之少

味音義

檨音廢檨古雅反袖羊又反孟音疏檨一名檨
于厚戶豆反又如字枳諸氏反郭云袖屬

也

柎柎注似棣細葉葉新生可飼牛材中車輞關西呼柎

子一名土榿音義

柎女九反呂郭並汝九反榿於力反
字又作億說文云榿梓屬也棣大細

反車昌蛇反輞音罔下同字疏柎一名榿郭云似棣細
林云輞也輞音渠榿居良反葉葉新生可飼牛材中

車輞關西呼柎子一名土榿詩唐風云隰有柎陸璣疏
云葉似杏而尖白色皮正赤為木多曲少直枝葉茂好

二月中葉疎華如練而細葉正白蓋樹今宮園種之正名曰萬歲既取名於億萬其葉又好故種之共汲山下人或謂之牛筋或謂之椹材可為弓弩幹也

楸木瓜注實如小瓜酢可食音義

楸音茂 疏音木 瓜一名小楸

瓜酢可食詩衛風投我以木瓜是也

椋即來注今椋材中車輞音義

椋音良來力臺反 輞音林並作株云椋也

疏椋一名即來郭云今椋材中車輞本草唐本注云葉似柿兩葉相當子細圓如牛李子生青熟黑其木堅

重煮汁赤色爾雅云椋即來是也

榭注樹似榭楸而庫小子如細粟可食今江東亦呼

為柶栗音義

柶字林音例詩音同又音列柶音而赤今人草木疏文云葉如榆木理堅韌而赤今人

謂之芝樛也柶胡木反柶桑木反詩云林疏柶一名柶有樛樛毛傳云小木也或作捷同庫音婢疏詩大雅皇

矣云其灌其柶陸璣疏云葉如榆也木理堅韌而赤可為車轅郭云樹似柶樛而庫小子如細栗可食今江東

亦呼為柶栗禮記內則云芝柶菱棋是也

獲落注可以為杯器素音義

獲戶郭反詩云無疏獲一浸獲薪杯必回反疏獲落

某氏曰可作杯圍皮韌繞物不解郭云可以為杯器素素謂樛也小雅大東云無浸獲薪鄭箋云獲落木名陸

璣疏云今柶榆也其葉如榆其皮堅韌剝之長數尺可為絙索又可為甌帶其材可為杯器是也

柚條注似橙實酢生江南音義

柚羊又反或作楸條字又作楸橙直耕反上林

賦云黃甘橙榘是也榘音疏生江南禹貢揚州云厥苞

橘袖孔安國云小曰橘大曰柚呂氏春秋云果之美者

有雲夢之柚本草唐本注云柚皮厚味甘不如橘皮味

辛而苦其肉亦如橘有甘有酸酸者名胡甘今俗人或謂橙為柚非也

時英梅注雀梅疏

梅時一名英梅郭云雀梅似梅而小者也

榘柜柳注未詳或曰柳當為柳柜柳似柳皮可煮作飲

音義

榘孫音表又于眷反柜謝音巨郭音舉柳郭音印又作柳良久反

疏

榘一名柜柳郭云未詳或

曰柳當為柳柜柳似柳皮可煮作飲以時驗而知也

栩杼注柞樹音義

栩香羽反郭又音羽字林丑與反杼謝嘗汝反施音佇孫昌汝反施或音

序柞子疏

柞一名籽郭云柞樹詩唐風云集于苞柞陸璣疏云今柞櫟也徐州人謂櫟為籽或謂之

為相其子為阜或言阜斗其殼為汁可以染阜今京洛及河內言籽汁謂櫟為籽五方通語也

味莖著注釋草已有此名疑誤重出樞莖注今之刺榆

音義

味音味又亡戒反莖直之反舍人本作祗丁計反著音儲舍人本作都樊本作屠重直用反又直龍

反樞烏侯反詩云山有樞是也本疏別二名也郭云今或作葢同莖謝大結反郭直基反疏之刺榆詩唐風云

山有樞陸璣疏其針刺如柘其葉如榆淪為茹美滑如白榆之類有十種葉皆相似皮及木理異矣

杜甘棠注今之杜梨疏

杜一名甘棠郭云今之杜梨下云杜赤棠白者棠舍人曰杜赤

色名赤棠白者亦名棠然則其白者名棠其赤者為杜棠為甘棠杜為赤棠詩召南云蔽芾甘棠唐風云有杕

之杜傳云杜
赤棠是也

狄藏棹貢棊注皆未詳杙繫梅注杙樹狀似梅子如指

頭赤色似小柰可食音義

藏孫子即反棹舍人本作鼻
莢本作棹同音羔棊音其杙

音求繫工系反本亦作
繫樊本作榻工厄反

疏

杙一名繫梅郭云杙樹狀似
梅子如指頭赤色似小柰可

食

料者聊注未詳魄檟榼注魄大木細葉似檀今河東多

有之齊人諺曰上山斫檀檟榼先殫音義

料郭音糾又
居幽反又音

皎脚音察檟兮計反又音奚榼許兮反本亦作醯檀大
丹反上時掌反斫章略反殫音丹字林云極盡也又云

斃疏醜一名樛榼郭云醜大木細葉似檀今河東多也疏有之齊人諺曰上山斫檀樛榼先殫殫訓盡也

浸木桂注今南人呼桂厚皮者為木桂桂樹葉似枇杷

而大白華華而不著子叢生巖嶺枝葉冬夏常青間無

雜木音義

浸字林音寢郭音浸或初林反一音侵枇杷私反又音毗杷步巴反著丁略反又直略反

疏浸一名木桂郭云今南人呼桂厚皮者為木桂桂樹葉似枇杷而大白華華而不著子叢生巖嶺枝葉冬

夏常青間無雜木案本草謂之牡桂者是也

榆無疵注榆榎屬似豫章音義

榆音倫又致均反疵本又作榎辭皆反字書云

無榎榆也榎鼻縣反又婢行反上林賦云榎稱注也榆無

疵病因名之郭云榆榿屬似豫章
案榿及豫章皆南方大木之名也

榿積注腫節可以為杖音義

榿音祛字林已庶反又音
舉積起愧反又去軌反字

林巨位反樊孫並云榿積腫節可作杖杖毛詩草木疏
云節中腫似扶老即今靈壽是也今人以為馬鞭及杖
弘農共北山皆疏別二名也郭云腫節可以為杖詩大
有之腫之勇反疏雅皇矣其榿其榿陸璣疏云節中腫
似扶老今人以為馬鞭及杖弘農共北山甚有之

榿河柳注今河旁赤莖小楊音義

榿勅疏榿一名河柳
貞反郭云今河旁

赤莖小楊陸璣疏云生水旁皮
正赤如絳一名雨師枝葉如松

旄澤柳注生澤中者音義

旄音毛

疏

柳生澤中者別名
旄郭云生澤中者

楊蒲柳注可以為箭左傳所謂董澤之蒲疏

楊一名蒲柳生澤中

可為箭筈注云左傳所謂董澤之蒲者案左傳宣十二年晉楚戰于邲晉師敗績楚熊負羈囚知罃知莊子以其族反之厨武子御下軍之士多從之每射抽矢蔽納諸厨子之房厨子怒曰非子之求而蒲之愛董澤之蒲可勝既乎杜注云董澤之蒲河東聞喜縣東北有董池陂既盡也是其事也

權黃英輔小木注權輔皆未詳杜赤棠白者棠注棠色

異異其名音義

權音疏郭云棠色異異其名樊光云赤者為杜白者為棠陸璣疏云赤

棠與白棠同耳但子有赤白美惡子白色為白棠甘棠也少酢滑美赤棠子澀而酢無味俗語云澀如杜是也

赤棠木理韌亦可以作弓幹

諸慮山梟注今江東呼梟為籐似葛而麤大音義

慮如施

力積反字又作摠力余反梟字或作菓疏諸慮一名山音誅力水反下同籐徒登反麤七胡反梟郭云今江

東呼梟為籐似葛而麤大

攝虎梟注今虎豆纏蔓林樹而生莢有毛刺今江東呼

為櫛攝音義

攝郭音涉本又作聶又作梟並同虎呼戶反莢古協反下同字林云草實也廣雅云

豆角謂之莢周禮云墳衍之地其植物疏攝一名虎梟宜莢物刺七豉反櫛力輒反又餘涉反郭云今虎豆纏蔓林樹而生莢有刺今江東呼為櫛攝或曰葛類也子如菜豆而葉大

杞枸權注今枸杞也音義

杞去已反枸疏杞一名枸權音苟權音繼疏郭云今枸杞

也詩小雅四牡云集于苞杞陸璣疏云一名苦杞一名地骨春生作蒺藜微苦其莖似莓子秋熟正赤莖葉及子服之輕身益氣耳

杭魚毒注杭大木子似粟生南方皮厚汁赤中藏卵果

音義

杭音元又作疏杭一名芡卵力管反魚毒

檨大椒注今椒樹叢生實大者名為檨音義

檨况彼反椒字又作

茶子疏檨者大椒之別也郭云今椒樹叢生實大者名消反為檨詩唐風云椒聊且陸璣疏云椒樹如茱萸

有針刺葉堅而滑澤蜀人作茶吳人作茗皆合煮其葉以為香今成臯諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島上亦有椒樹枝葉皆相似子長而不圓甚

香其味似橘皮島上獐鹿食此椒葉其肉自然作椒橘香

桉鼠梓注楸屬也今江東有虎梓音義

桉郭音庾又音瑜梓音子疏

李巡曰鼠梓一名桉郭云楸屬也今江東有虎梓詩小雅云北山有桉陸璣疏云其樹葉木理如楸山楸之異者今人謂之苦楸是也

楓攝攝注楓樹似白楊葉圓而歧有脂而香今之楓香

是音義

楓甫隆反說文云木厚葉弱枝善搖字疏說文林音方廉反攝之涉反歧音祁脂音之疏說文

木厚葉弱枝善搖一名攝攝郭云楓樹似白楊葉圓而歧有脂而香今之楓香是案本草唐本注云樹高大葉三角商洛之間多有之是也又山海南荒經云有宋山者木生山上名曰楓木楓木蚩尤所棄其桎梏是謂楓

木注云即今
楓香樹也

寓木宛童注寄生樹一名蔦音義

寓魚具反宛於院反蔦音鳥或音吊說文

或作鴝字林

疏寓木一名宛童郭云寄生樹一名蔦詩云寄生也

小雅類弁云蔦與女蘿陸璣疏云蔦一名寄生葉似當盧子如覆盆赤黑甜美是也

無姑其實夷注無姑姑榆也生山中葉圓而厚剝取皮

合漬之其味辛香所謂蕪蕒音義

夷舍人本疏無姑姑一作棧同名姑姑一

其實名夷郭云無姑姑榆也生山中葉圓而厚剝取皮合漬之其味辛香所謂蕪蕒云所謂本草蕪蕒一名無

也姑

櫟其實棗注有棗彙自裏音義

櫟力的反棗字林音求舍人云櫟實名棗也孫

云櫟實椽也有棗彙自疏

櫟似樗之木也棗盛實之房也孫炎曰櫟實椽也郭云有

棗郭同彙音謂裏音果
棗彙自裏詩秦風云山有苞櫟陸璣疏云秦人謂柞櫟為櫟河內人謂木蓼為櫟椒檉之屬也其子房生為棗

木蓼子亦房生故說者或曰柞櫟或曰木蓼璣以為此秦詩也宜從其方土之言柞櫟是也

榘蘿注今楊榘也實似梨而小酢可食音義

榘音遂疏一榘

名蘿郭云今楊榘也實似梨而小酢可食詩秦風云隰有樹榘陸璣疏云榘一名赤蘿一名山梨也今人謂之

楊榘實如梨但小耳一名鹿梨一名鼠梨今人亦種之極有脆美者亦如梨之美者

楔荆桃注今櫻桃旄冬桃注子冬熟櫪桃山桃注實如

桃而小不解核音義

楔古黠反施音結櫻乞耕反廣雅云櫻桃含桃也禮記月令云羞以

含桃鄭注云今之櫻桃菴音毛字林作楸亡到疏別桃反攬郭音斯又音雌解古買反核胡革反下同疏類也

楔一名荆桃郭云今櫻桃廣雅云櫻桃含桃也月令仲夏云羞以含桃是也桃子冬熟者名菴生山中者名攬

挑郭云實如桃而小不解核

休無實李注一名趙李座接慮李注今之麥李駁赤李

注子赤音義

休虛求反又作林座徂禾反慮如疏別李字施音驪駁字亦作駁邦角反屬也

李之無實者名休郭云一名趙李座接慮李郭云今之麥李與麥同熟因名云李之子赤者名駁

棗壺棗注今江東呼棗大而銳上者為壺壺猶瓠也邊

要棗注子細腰今謂之鹿盧棗檇白棗注即今棗子白

乃熟槭酸棗注樹小實酢孟子曰養其槭棘楊徹齊棗

注未詳遵羊棗注實小而圓紫黑色今俗呼之為羊矢

棗孟子曰曾皙嗜羊棗洗大棗注今河東猗氏縣出大

棗子如雞卵煮填棗注未詳蹶洩苦棗注子味苦皙無

實棗注不著子者還味捻棗注還味短味音義

棗音早
壺字或

作檇孫云棗形上小下大似瓠故曰壺音胡瓠呼故反

要一遙反注同字或作櫻檇子兮反槭而至反徹本或

作撤直列反皙思歷反下同嗜時至反洗屑典反猗乙

奇反又於奇反填音田本或作顛蹶本或作躡居衛反

洩息列反著丁略反還音旋郭云還味短疏別棗類也
味字林作樾一縣反捨而審反又作惹同疏云棗者目
諸棗也壺棗者棗形似壺也郭云今江東呼棗大而銳
上者為壺壺猶瓠也邊大而腰細者名邊腰棗郭云子
細腰今謂之鹿盧棗棗子白熟者名檇實小而味酢者
名檇棗楊徽齊棗注未詳遵一名羊棗郭云實小而圓
紫黑色今俗呼之為羊矢棗洗竈大之棗名也郭云今
河東猗氏縣出大棗子如雞卵煮填棗注未詳蹶洩者
味苦之棗名也哲者無實之棗名也還味者短味也名
捨棗注孟子曰養其檇棘者案孟子曰人之於身也體
有貴賤有小大無以小害大無以賤害貴養其小者為
小人養其大者為大人今有場師舍其梧櫟養其檇棘
則為賤場師焉趙岐注云檇棘所謂酸棗是也云孟子
曰曾皙嗜羊棗者孟子云曾皙嗜羊棗而曾子不忍食
羊棗公孫丑問曰膾炙與羊棗孰美孟子曰膾炙哉公
孫丑曰然則曾子何為食膾炙而不食羊棗曰膾炙所

同也羊棗所獨也是其事

櫬 梧注今梧桐音義

櫬初靳反下疏櫬一名梧郭云今梧桐詩大雅云梧

桐生矣于彼朝陽是也

樸枹者注樸屬叢生者為枹詩所謂棧樸枹枹音義

音樸

卜字又作僕枹通莠反注同疏樸屬枹枹皆木叢生之屬之欲反棧于逼反枹音歷名也郭云樸屬叢生者為枹云棧樸者詩大雅云芄芄棧樸薪之樵之是也枹枹者秦風云山有苞枹隰有六駁是也

謂櫬采薪采薪即薪注指解今樵薪音義

謂舍人本作彙同采七在

反下並同薪采薪即薪舍人引上句櫬梧來合在此句以謂字作彙釋云櫬梧者樸枹者櫬者其理也樸者相

追附也。彙者並也。如竹箭一讀曰枹也。櫬名采薪又名
即薪樊引詩云薪是獲薪。荊州曰柞木采木詩人不曉
薪意言薪謂身即薪伐之也。李云采薪一名彙櫬言即
薪謂二薪也。孫引詩云薪是獲薪。薪一名彙櫬郭云指
解今樵薪今依郭氏說。樵字又作蕪。徂焦反。字林云薪
也。案左傳云不樵樹。史記云樵蘇。後夔師不宿飽注云
樵取薪。疏郭云指解今樵薪一名櫬一名采薪一名即
蘇取草。薪公羊謂之薪。采左傳云不樵樹。史記云樵
蘇。後夔師不宿飽注云樵取
薪蘇取草皆謂取草為薪也。

棧 棧其注棧實似柰赤可食音義

棧餘念反。山海經堂
庭之山多棧木。注云

子似柰而赤。疏棧一名棧其郭云棧實似柰赤可食。山
可食。棧音速。海經云堂庭之山多棧木。注云子似柰

而赤可
食是也

劉劉杙注劉子生山中實如黎酢甜核堅出交趾音義

杙音弋疏劉一名劉杙其子可食郭云劉子趾音止生山中實如黎酢甜核堅出交趾

櫟櫟大葉而黑注櫟樹葉大色黑者名為櫟音義

櫟音郭

反字林下罪反又音疏櫟櫟一也大葉而黑名櫟不爾懷櫟音懷或音回者即名櫟郭云櫟樹葉大色黑

者名
為櫟

守宮槐葉晝聶宵炕注槐葉晝日聶合而夜炕布者名

為守宮槐音義

聶之涉反合也炕郭呼郎反又

疏此亦

聶合也炕張也言其葉晝合夜開者別名守宮槐郭云槐葉晝日聶合而夜炕布者名為守宮槐

槐小葉曰榎注槐當為楸楸細葉者為榎大而散楸注

老乃皮粗散者為楸小而散榎注小而皮粗散者為榎

左傳曰使擇美榎音義榎小葉郭謂槐為楸音楸或如

七路二反字或作楸下同樊云大者老也散措皮也謂

楸散而老者為楸也孫郭云老乃皮麁散者為楸楸音

秋疏也楸榎之名也楸之小葉者名榎樊光云大者老

小而皮粗散者為榎注云左傳曰使擇美榎者案裏二

年夏齊姜薨初穆姜使擇美榎以自為襯與頌琴季文

子取以葬
是其事也

椅梓注即楸音義椅於奇反郭云即楸也案椅與

楸唯子為異耳梓字林音子疏別

二

名也郭云即楸詩廊風云椅桐梓漆陸璣疏云梓者楸之疏理白色而生子者為梓梓實桐皮曰椅則大類同而小別也

楨赤棟白者棟注赤棟樹葉細而歧銳皮理錯戾好叢

生山中中為車輞白棟葉圓而歧為大木音義棟音夷又作

棟同山厄反郭霜狄反下同歧巨伊反下同好呼報疏反輞音罔本或作輞音刃又音如戰反本今作輞

棟赤者名棟白者即名棟某氏曰其色雖異為名即同郭云赤棟樹葉細而歧銳皮理錯戾好叢生山中中為

車輞白棟葉圓而歧為大木也詩小雅云隰有杞楨陸璣疏云棟葉如柞皮薄而白其木理赤者為赤棟一名

楨白者為棟其木皆堅韌今人以為車輞

終牛棘注即馬棘也其刺粗而長疏終一名牛棘其針

也棘

灌木叢木注詩曰集于灌木音義灌古亂反叢才疏灌

者即叢生之木也下云木族生為灌郭云族叢也是灌木為叢木也詩周南云黃鳥于飛集于灌木是也

痼木苻婁注謂木病尪尪癭腫無枝條音義痼郭胡罪

病也一曰腫旁出也又音回婁謝力侯反施力俱反樊引詩云譬彼痼木疾用無枝苻婁者尪尪內病痼無

枝也李云苻婁一名痼木無枝木也尪鳥皇反字書云偃也偃紆禹反廣雅云曲也癭於井反字林云頸瘤也

腫章勇反本或疏某氏云詩云譬彼痼木疾用無枝苻作瘡常勇反婁尪內疾痼磊故疾用無枝郭云

謂木病。偃偃。腫無枝條。舍人曰。苻婁屬下句。獨為異也。

蕢藹注樹實繁茂。菴藹音義。

蕢扶云反。孫苻粉反。疏蕢藹。害反。菴於檢反。亦

樹實名。又名藹郭。云樹實繁茂。菴藹。

枹道木魁癭注謂樹木叢生根枝節目盤結。磊音義。

枹音包。道又作迺。子由反。又徂由反。說文云。道迫也。謂叢攢迫而生。魁字亦作魁。謝苦罪反。施苦回反。癭郭盧罪反。施胡罪反。碑本或作傀。疏木叢攢迫而生者。名枹。苦罪反。磊本或作儻。力罪反。疏道木魁癭。讀若碑。磊謂根節盤結處也。郭云。謂樹木叢生根枝節目盤結。碑磊。

棧白桜注桜小木叢生有刺實如耳璫紫亦可啖。音義。

棧音域字林于具反按本或疏棧一名白桤郭云桤小作棲字林人佳反刺七智反木叢生有刺實如耳璫紫赤可啖詩大雅云芄芄棧樸陸璣云王蒼說棧即柞也其材理全白無赤心者為白桤直理易破可為積車輻又可為矛戟矜今人謂之白棧或曰白柘此二說不同未知孰是

梨山槁注即今梨樹音義

離本亦作離非音疏梨生山中者名

槁郭云即今梨樹言其在山之名則曰槁人植之曰梨

桑辨有甚梔注辨半也音義

辨普遍反又皮莧反甚音甚說文云桑實也本或作

槩非字林式忍反梔章移反下注同舍人疏說文云甚云桑樹一半有甚半無甚名梔也樊本同桑實也郭

云辨半也舍人曰桑樹一半有甚半無甚為梔

女桑榭桑注今俗呼桑樹小而條長者為女桑樹音義

榭大兮反疏女桑一名榭桑郭云今俗呼桑樹小而條或作夷長者為女桑樹詩豳風七月云猗彼女桑

是也

榆白粉注粉榆先生葉却著莢皮色白音義

榆以朱反粉符云反

却去略反著丁略反莢疏榆之皮色白名粉郭云粉榆古叶反字林云草實也先生葉却著莢皮色白詩陳

風云東門之粉是也

唐棣移注似白楊江東呼夫移音義

棣大計反下同字林大內反移以支

反字林上泥疏舍人曰唐棣一名移郭云似白楊江東反夫音符呼夫移詩召南云唐棣之華陸璣云與

李也一名雀梅亦曰車下李所在山皆有
其華或白或赤六月中熟大如李子可食

常棣棣注今關西有棣樹子如櫻桃可食疏

舍人曰常棣一名棣

郭云今關西有棣樹子如櫻桃可食詩小雅云常棣之
華陸璣疏云許慎曰白棣樹也如李而小如櫻桃正白
今宮園種之又有赤棣樹亦似白棣葉如刺榆葉而微
圓子正赤如郁李而小五月始熟自關西天水隴西多
之有

檟苦茶注樹小如梔子冬生葉可煮作羹飲今呼早采

者為茶晚取者為茗一名薺蜀人名之苦茶音義

檟古雅反

與榎同茶音徒下同埤蒼作槩案今蜀人以作飲音真
加反茗之類茗亡頂反薺尺充反薺槩茗其實一也張

揖雜字云茗疏可煮作羹飲今呼早采者為茶晚采者

之別名也
為茗一名薜蜀
人名之苦茶

檉樸心注檉樸別名音義
檉音速樸音斛疏樸檉一名心

檉樸也有心能濕江河間以作柱是樸檉為木名也故

郭云檉樸別名詩召南云林有樸檉此作檉樸文雖別

其實一也或
者傳寫誤
榮桐木注即梧桐疏
梧桐一名榮郭云即

棧木干木注棧木也江東呼木絡音義
棧仕板反干古

同棧居良反字書云死而不朽本疏棧木一名干木郭

或作僵說文云僵偃也絡加客反
疏棧木也江東呼

格木

壓桑山桑注似桑材中作弓及車轆音義

壓鳥輦反車昌蛇反轆音

素

疏

山桑一名壓桑郭云似桑材中作弓及車轆冬官考工記云弓人取幹柘為上壓桑次之是也

木自弊神注弊踏立死榴注不弊頓榴弊者翳注樹蔭

翳覆地者詩云其榴其翳木相磨櫛注樹枝相切磨櫛

散注謂木皮甲錯梢梢權注謂木無枝柯梢權長而殺

者音義

弊婢世反字又作斃神音申踏蒲北反或作仆榴側利反一音側其反弊必世反注同翳音殪

注同陰於禁反櫛魚逝反郭魚逝魚例二音措七各反散謝音烏郭音夕梢郭音朔權直角反方言云拔也蒼

頤篇云抽也廣雅云出也小爾雅疏此別死頓相磨皮云拔根曰擢殺色戒反又色例反甲措擢之異名也云木者總在下之稱也自弊踣者名神立死不弊頓者名樛枝葉蔽蔭覆地者名翳木兩枝相切磨名櫨木皮甲粗錯者名措亦名散木無枝柯長而殺者名梢一名措擢小爾雅曰拔根曰擢注詩其樛其翳者詩大雅皇矣篇文也毛傳云木立死曰樛自弊曰翳說者引李巡曰以當死害生曰菑斃死也然則以立死之木妨他木生長為木之害故曰菑也自斃者生木自倒枝葉覆地為陰翳故曰翳也爾雅直云斃者詩傳以其非人斃之故曰自斃其文與此不同者所見本異也

樛松葉柏身注今太廟梁材用此木尸子所謂松柏之鼠不知堂密之有美樛檜柏葉松身注詩曰檜楫松舟

音義

椳七容反松字林象容反大音泰椳古外疏此辨椳椳

之異名也松葉柏身者名椳柏葉松身者名椳郭云今大廟梁材用此木者以時驗而言也注尸子所謂已下者綽子篇文也云詩曰椳椳松舟者廊風竹竿篇文也毛傳云椳所以擢舟是也

句如羽喬注樹枝曲卷似鳥毛羽下句曰枓上句曰喬

如木楸曰喬注楸樹性上竦如竹箭曰苞注篠竹性叢

生如松柏曰茂注枝葉婆婆如槐曰茂注言扶疎茂盛

音義

句居具反下同喬阮孝緒音橋郭音驕下皆同卷巨員反枓居蚪反本又作膠同字林九摑反苞如

字本或作枹篠先疏此別水之曲直叢生茂盛之異名了反娑素河反也樹枝曲卷似鳥毛羽名

喬樹枝下垂而曲名科詩周南云南有樛木是也木枝上疎而曲卷者亦名喬如木楸上疎者亦曰喬郭云楸樹性上疎詩周南云南有喬木是也凡木枝葉婆娑者曰茂者曰苞禹貢曰草木漸苞是也

詩小雅云如松柏之茂是也枝

葉扶疎茂盛如槐者亦曰茂

祝州木髦柔英注皆未詳音義

祝章六反
髦音毛

槐棘醜喬注枝皆翹疎桑柳醜條注阿那垂條椒椒醜

菜注菜萸子聚生成房貌今江東亦呼菜椒似菜萸而

小赤色桃李醜核注子中有核人音義

棘居力反阿烏河反又於可反

那奴何反又奴可反椒音焦椒所點反字林云似菜萸出淮南本草云菜萸一名椒案今樹極似菜萸唯子赤

細菜音求說文云椒椒實裏如裘也一疏此辨木之枝
音巨六反菜音殊莢以朱反核何革反疏條子實形狀
之異醜類也喬高也槐棘之類枝皆翹疎桑柳之類皆
阿那垂條菜者實之房也椒椒之類實皆有菜橐自裏
李廵曰椒菜莢皆有房故曰菜菜實也郭云菜莢子聚
生成房貌今江東亦呼菜椒似菜莢而小赤色桃李之
類皆子有核人曲禮云其有核者懷其核

瓜曰華之桃曰膽之棗李曰橐之楮梨曰鑽之注皆啖

食治擇之名楮似梨而酢澀見禮記音義

華胡化反鄭注禮記云謂

中裂不四折也膽下散反橐亦作虔同丁計反楮側加
反字亦作查鑽子官反郭徂端反澁字又作瀋又作澀
所立疏此辨啖食治擇瓜果之名也云瓜曰華之者此
反為國君削瓜之禮也華謂半破也降於天子故

破而不四折也亦橫斷之而中以紕也云桃曰膽之者
桃多毛拭治去毛令色青滑如膽也或曰膽謂杏桃有
苦如膽者擇去之云棗李曰寔之者謂治棗李皆去其
寔寔者祗也云植梨曰鑽之者恐有蟲故一一鑽看其
蟲孔也案鄭注禮記內則云祖梨不臧者今之所謂榼
子者是也注云見禮記者案曲禮云為天子削瓜者副
之中以絺為國君者華之中以紕又內則云棗曰新之
栗曰撰之桃曰膽之祖梨曰鑽之鄭注云皆治擇之名
也文雖小異
大意則同

小枝上繚為喬注謂細枝皆翹繚上句者名為喬木音

義

繚音疏此即上句曰喬嫌不了故重出之
言小枝上疎翹繚者名為喬木也

無枝為檄注檄擢直上音義

檄形的反擢直疏此釋上
角反上時掌反文梢梢

擢也擢身擢也謂木無枝
擢擢直上長而殺者也

木族生為灌注族叢音義

灌古疏
半反
族叢也木叢生者為
灌即上灌木叢木也

釋蟲第十五音義

蟲本亦作虫案此篇是釋蟲依字
虫音許鬼反蛇類也並兩虫為虺

音古門反蟲之總名也三虫為蟲直忠反有足者也
今人以虫為蟲相承假借用耳說文云虫一名蝮象
其形物之微細或行或飛或毛或羸或介或鱗以虫
為象案此文云有足謂之蟲無足謂之豸月令鱗毛
羽介皆謂之蟲白虎通以聖人為保蟲
疏案說文蟲
之長自上聖下達螭螟通有蟲稱耳
鱗介之總稱也此篇廣釋
諸蟲之名狀故曰釋蟲

螿天螿注螿蛄也夏小正曰螿則鳴音義

螿胡木反螿
力侯反蛄古

乎反夏胡雅疏螿一名天螿一名碩鼠即今之螿蛄也
反正音征夏小正者大戴禮之篇名以蟲魚草木

正十二月之節候起於夏后氏故曰夏
小正其三月云螿則鳴螿天螿是也

蜚蠊蟹注蟹即負盤臭蟲音義

蜚扶味反蠊力胡反蟹
數非反孫甫尾反盤字

又作蟹蒲安反廣雅云負盤
蟪也蟪音章夜反臭昌又反
其為蟲臭惡南方淫氣之所生也本草曰蜚屬蟲也然
則蜚自臭惡之蟲害人衣物故春秋左氏傳曰有蜚不
為災亦不書也春秋經傳皆云有蜚則此蟲名蜚一名
蠊蟹而舍人李廵皆云蜚蠊一名蟹非也此蟲一名負
盤漢書及左傳注多作負蟻者以
此下有草蟲負蟻故相涉誤耳

蟪銜入耳注蚰蜒音義

蟪以忍反銜以善反本又作蠊
蚰音由蜒音延方言云宋魏之

間蚰蜒謂之入耳字林云北燕人謂蚰
蜒為蚰蜒上音奴六反下音女其反
疏此蟲象蜈蚣
黃色而細長

呼為吐古案方言云蚰
蟹自關而東謂之蚰蟹或謂之
入耳或謂之蚰蠊趙魏之間或謂之蚰
蚰北燕謂之蚰

蛭江東人呼蛭皆今蚰蜒喜入耳者也○蚰音由蛭音
延蛭音麗蛭音扶軒音于蚰奴六切蛭音尼蛭音鞏

蝮娘蝮注夏小正傳曰娘蝮者五彩具塘蝮注夏小正

傳曰塘蝮者蝮俗呼為胡蟬江南謂之塘蝮蝮蜻注

如蟬而小方言云有文者謂之螻夏小正曰鳴螻虎懸

蠶茅蝮注江東呼為茅截似蟬而小青色蝮馬蝮注蝮

中最大者為馬蟬蛭寒蝮注寒蝮也似蟬而小青色月

令曰寒蟬鳴蛭蝮蝮注即蝮蝮也一名蝮蝮齊人呼

蝮蝮音義

蝮直彫反下同娘音郎又音良塘音唐蟬示
延反字林云蝮蝮也蝮郭音莢徒低反蝮側

黠反蜻郭音情又音精懸音玄戴子列反又徂節反茅
本或作蓋萌交反蛎音懸字林云亡千反蛎五兮反呂
郭牛結反蜚子羊反蛩謝徒頂反沈音珍施音亭蛛音
木或作沐非蜚音奚蟻音鹿蜈音提又音帝螞力刀反
字林同又力公反疏此辨蟬之大小及方言不同之名
蟻音惠姑音姑也云蛩者目諸蛩也娘蛩五彩具
者也蟪蛩俗呼曰蟪似蟪而小鳴聲清亮者也蜚一名
蜻蛚如蟪而小有文者也戴一名茅蛩似蟪而小青
者也蛩一名馬蛩蟪之最大者也蛩一名寒蛩又名寒
蜚似蟪而小青赤色者也關東謂蟻姑為蛩蛩齊謂之
蟻蛩也云夏小正者在五月記時也云蟪蛩者蛩者亦
在五月舍人曰皆蟪也方語不同三輔以西為蛩梁宋
以東謂蛩為蛩陸璣云蟪一名蛩切字林切或作蟪也
青徐人謂之蟪蛩然則蟪蛩亦皆蟪也大雅蕩篇云如
蛩如蟪是也蜚舍人曰小蟪也蜻蜻者案方言云蟪楚
謂之蛩宋衛之間謂之蟪蛩陳鄭之間謂之娘蛩秦晉

之間謂之蟬海岱之間謂之螭其小者謂之麥螿有文者謂之螿是也詩人碩人云螿首蛾眉鄭玄螿謂蜻蜻此螿類廣而且方故以比婦人之首也某氏解此云鳴螿螿者也云夏小正曰者在四月彼云鳴螿螿者虎懸也鳴而後知故先鳴而後螿是也月令曰寒蟬鳴者在七月鄭注云寒蟬寒螿謂蛻是也方言云螿螿齊謂之螿螿楚謂之螿螿楚辭云螿螿鳴兮啾啾是也或謂之螿螿秦謂之螿螿自闕而東謂之螿螿或謂之螿螿或謂之螿螿然則亦皆蟬之別名也○螿

蛻蛻蛻注黑甲蟲噉糞土音義

蛻起吉反蛻音羌蛻音良噉大敢反糞方

問疏蛻蛻一名蛻蛻黑甲翅在甲下噉糞土喜取糞反疏作丸而轉之莊子蛻蛻之智在於轉丸是也

蝓蝓注木中蠹蟲音義

蝓戶葛反蝓起勿反蠹丁疏故反字林云木中蟲也

木中蠹蟲

解在下

蠶齧桑注似天牛長角體有白點喜齧桑樹作孔入其

中江東呼為齧髮音義

蠶郭音餉又音霜孫音傷疏蠶齧五結反喜虛記反下同

名齧桑江東呼齧髮形似天牛長角體有白點喜齧桑樹作孔入其中因名云

諸慮奚相注未詳蟬渠略注似蝮蛻身狹而長有角

黃黑色叢生糞土中朝生暮死豬好啖之音義

慮本或作慮施

音驢一音力據反相施音指謝息亮反舍人本作桑蟬音孚又音浮蟬郭音由本又作疏謝音流渠略如字略或作蠹音同狹乎夾疏舍人曰蟬蟬一名渠略南陽以反好呼報反下同

東曰蟬蟬梁宋之間曰渠略似

蝓蛭身狹而長有角黃色叢生糞土中朝生暮死豬好
啖之夏小正曰蝓蝓渠略也朝生而暮死詩曹風云蝓
蝓之羽陸璣疏云蝓蝓方土語也通謂之渠略似甲蟲
有角大如指長三四寸甲下有翅能飛夏月陰雨時地
中出今人燒炙散之美如蟬也樊光謂之
糞中蝓蟲隨陰雨時為之朝生而夕死

蝓蝓注甲蟲也大如虎豆綠色今江東呼黃蝓音義

蝓謝音弗沈符節反字林大替反蝓疏蝓一名蝓蝓甲
音黃郭音王本或作黃蝓郭音瓶 蝓蝓也形大如虎

豆綠

蝓與父守瓜注今瓜中黃甲小蟲喜食瓜葉故曰守瓜

音義 蝓音權與音余父音 疏蝓與父一名守瓜黃甲小
甫下同字或作蚤 蝓喜食瓜葉因名守瓜

蝮蛇螻注蛇螻螻蛄類音義

工如或由反蝮武江反又亡反或作駮非螻來侯反

疏案方言云蛄詣謂之杜蛄螻螻謂之螻蛄或謂之螻

者亦螻蛄之異名耳○蛄音

格螻音室螻音象蛄音令

不蠲王蚊注未詳蛄螻強蚌注今米穀中蠹小黒蟲是

也建平人呼為蚌子音義

螻字又作施式移反又式鼓反字林弋鼓反強巨良反蚌

郭音芊亡婢反本或作芊說文作

羊字林作蚌弋丈反云搔蚌也

黑蠹蟲也江東謂之蟹音加

建平人呼蚌子音芊楚姓芊

不過螻蟻注螻蟻蟪蛄別名其子蟬蛸注一名蟬蟪螻

壤卵也音義

過本或作蠋字林古禾反謝玄卧反蠋丁郎反壤息詳反字林乃郎反塘音唐蚺音

郎蟬音禪又婢貽反蛸音蕭蟬音普莫疏不過一名蟻娘反又補莫反蟻音焦字林子彫反

其子一名蟬蛸一名蟬一各蟻娘一名蟻蛸蟻娘卵也方言云潭魯以南謂之蟻娘三河之域謂之蟻娘燕趙之際謂

之食厖齊杞以東謂之馬谷其子同名蟻蛸也月令仲夏云蟻蛸生是也

疾藜蚺蛆注似蝗而大腹長角能食蛇腦音義

疾音疾字亦作

蟻同藜音梨字亦作蜚蚺音即孫子逸反蛆子余反蝗

華孟反下同字林音皇說文榮庚反范宣禮記音音橫

聲類韻集並以蝗協庚疏疾藜一名蚺蛆廣雅云蚺蛆韻腹音福腦奴老反

角能食蛇腦則非蜈蚣也

莊子云蚺蛆甘帶是也

蝮蝮注蝗子未有翅者外傳曰蟲舍蚘蝮音義

蝮以全反

字林尹絹反說文云劉歆說蚘蝮子也董仲舒說蝗子也何休注公羊云即蝮也始生曰蝮長大曰蝮杜預亦

云蝮子郭休董說蝮孚福反郭蒲篤反蝮郭音疏

蝮一名蝮

陶字林他年反翅式智反舍音捨蚘直其反蝮蝗子未有翅者春秋宣十五年冬蝮生是也注外傳曰蟲舍蚘蝮者此魯語里革諫宣公之辭也韋氏解曰

蝮蝮子也可以為醢蝮蝮蝮也可食舍不取也

蟋蟀注今促織也亦名青蛩音義

蟋音悉說文作悉本或作蟋音瑟蟀

所律反詩同本或作蟹說文同蟀九勇反促字亦作起七玉反青子盈反蛩音列廣雅云蜻蛚促織也字林云蟋蟀一名蟀今促織也亦名青蛩詩唐風云蟋蟀在堂歲聿其莫陸璣疏云蟋蟀似蝗而小正也

黑有光澤如漆有角翅一名蒼一名青蟹楚人謂之王孫幽州人謂之趣織里語曰趣織鳴嬾婦驚是也

螿蟆注蛙類音義

螿郭驚景二音孫音京蟆武巴反疏
蛙戶蝸反史游急就云蛙蝦蟆

此自一種
蝦蟆也

蝦馬蚨注馬蠲蚨俗呼馬蛭音義

蝦音閑蚨郭仕板反
字林仕免反或仕簡

反施仕婉反蠲古玄反說文云明堂月令疏蝦蟲一名
腐草為蠲蚨音均蛭丈六反字林云蛭馬馬蛭一名
馬蠲蚨俗呼馬蛭方言云馬蛭北燕謂之蛆蝶其
大者謂之馬蚨是也○蛭音弦蛆子余切蚨音逐

皇蝻螿注詩曰趯趯皇蝻草蝻負螿注詩云嚶嚶草蟲

謂常羊也蜚蝻蝻注蝻也俗呼蝻螿螿蝻蝻注

今俗呼似蚣蝮而細長飛翅作聲者為蟻蚋土蝨蠖

注似蝗而小今謂之土蠖音義

皇音阜蝨本或作蜜音終下同蟻音煩下同本

或作蟹起他歷反嚙於遙反蜃本又作蟹詩作斯同音私支反蚣字林先凶反郭先工反說文思弓反蝮相魚

反郭才與反字林先呂反說文云蚣蝮以股鳴蝮寸東

反字林云蝮蝮似蜻蝮傷容反螫音棄字林云口地反

蟻音奚蚋或作蚋郭音歷孫音昔蠖音壞孫音囊字又

作蠖誤又思諒反或式尚反谿苦兮反孫音奚蝮字又

作蚋竹宅反誥幼云蚋疏皇蝨之族厥類實煩此辨之

蚋蝨也善跳蝨音猛也皇蝨一名蟻李巡曰蝗子

也陸璣疏云今人謂蝗子為蝨子兗州人謂之騰許慎

云蝗蝨也蔡邕云蝨蝗也明是一物草蟲一名負蟻一

名常羊陸璣云小大長短如蝗也奇音青色好在茅草

中又一名草蟲詩云嚙嚙草蟲起起皇蝨是也蜃蝨周

南作蝥斯七月作斯蝥惟字異文倒其實一也一名蝥
蟾一名蝥蝥一名蝥蝥陸璣云幽州人謂之蝥箕蝥箕
即蝥蝥類也長而青長角長股股鳴者也或謂似蝗
而小斑黑其股似瑇瑁又五月中以兩股相切作聲聞
數十步者是也蝥蝥一名蝥蝥形似蝥蝥而細長飛翅
作聲者是也土蝥一名蝥蝥今謂之土蝥江南呼虵虵
又名蝥蝥似蝗細小善跳者是也注詩云
嚶嚶草蝥超超皇蝥者召南草蝥篇文

蝥蝥豎蚕注即蝥蝥也江東呼寒蝥音義

蝥羌引反蝥
音引郭餘忍

反說文以為蝥字同豎苦顯反蚕他典反蝥於阮反蝥
音善廣雅云蝥蝥蝥也郭許謹反股仲堪許偃反
疏蝥蝥一名豎蚕即蝥蝥也廣雅云蝥蝥蝥也月令
四月蝥蝥出十一月蝥蝥結是也江東呼寒蝥郭云
蝥蝥土精無心之
蝥與皇蝥交者也

莫獬螳螂蚌注螳螂有斧蟲江東呼為石螳孫叔然以

方言說此義亦不了音義

莫本或作蠻同武博反獬本又作貉孫戶各反下同螳螂

說文云名斫父蚌郭音牟字林云螳螂也又亡牢反斧音甫

疏

莫獬一名螳螂一名蚌即上不過也捕蟬

而食有臂有斧奮之當軼不避莊子云猶螳螂之怒臂以當車軼是也江東呼為石螳又名齧肱注孫叔然以方言說此義亦不了案方言曰螳螂謂之髦或謂之蚘或謂之芊芊孫炎取此方言之文以蚘上屬為說案說文以蚘負勞為一則方言之說既失其指孫氏引之為說是亦不了也

蚘蛭負勞注或曰即蜻蛉也江東呼狐黎所未聞音義

蚘音丁蛭虛形反勞力刀反蛉力丁反字林云蜻蛉一名桑根狐音乎

疏

即蜻蛉六足四翼蟲也一名蚘

蛭一名負勞江東呼孤黎方言云蜻蛉謂之蚺蛉淮南
人又呼螻蚺字林云一名桑根陶注本草云一名蜻蚺
是也郭云所未聞者雖有或人之說但
經典未聞所出示其無質故云所未聞

蛭毛蠹注即蠹音義

蛭戶感反蠹七志反說文云毛蠹也讀若筍案今俗呼為毛蠹有毒

蠹人楚辭云疏蛭一名毛蠹即蠹也說文云蠹毛蟲今
蠹緣兮我裳疏俗呼為毛蠹有毒蠹人楚辭云蠹緣兮
我裳是也

螺蛄蠹注蠹屬也今青州人呼蠹為蛄蛄孫叔然云八

角蠹蟲失之音義

螺字有作螺亡北反蛄字或作蛄而占反蠹音斯蠹式亦反蠹猶蠹也蠹

火各反字林疏云蠹行毒也

螺一名蛄蛄即蠹類也青州人呼蛄蠹注孫叔然云八角蠹蟲失之者此即毛

蟲何止八角故云失之螫猶養也字林云蟲行毒也

蟠鼠負注甕器底蟲音義

蟠音煩字或作鼯負本亦作婦又作婦亦作蟪音同本草

鼠負一名負蟠一名伊威一名委黍陶注云多在鼠坎中鼠背負之今作婦字則似乖理一名鼠姑底丁禮反

疏

此與下蚶威委黍是一故下注委黍云舊說鼠婦別名則此蟲一名蟠一名鼠負負或作婦本草作婦一

名蚶威一名委黍也陸璣云在壁根下甕器底土中生似白魚者是也陶注本草云多在鼠坎中鼠背負之然為鼠婦及鼠婦則似乖詩東山云伊威在室是也

蟬白魚注衣書中蟲一名蚶魚音義

蟬郭音淫又徒疏南反蚶音丙

此衣書中蟲也一名蟬一名白魚一名蚶魚本草謂之衣魚是也

蠶羅注蠶音義

蠶本又作蛾說文同我

疏此即蠶蛹
河反蠶祖南反下同

說文云蠶
羅是也

翰天雞注小虫黑身赤頭一名莎雞又曰樗雞音義

胡翰

旦反莎蘇禾反樗恥豬疏此黑身赤頭小蟲也一名翰
反廣雅云樗鳴樗雞也疏一名天雞一名莎雞又曰樗

雞李巡曰一名酸雞詩豳風七月云六月莎雞振羽陸
璣疏云如蝗而斑色毛翅數重其翅正赤六月中飛而

振羽索索作聲幽州
人謂之蒲錯是也

傅負板注未詳強斨注即強醜拊音義

傅音付版字亦
作板甫簡反強

其良反說文云籀文作蠶斨字林巨疏
希反又下枚反郭胡輩反拊力活反

強蟲名也一名
斨好自摩拊者

蓋蠅類

蜚蠊何注未詳蠅蛹注蠶蛹音義

蜚本或作拵郭音劣又力活反蠅失羊反

字林之亦反何本或作蚶音河蠅郭音龜字林音潰施音愧蛹音勇

疏即蠶所變者一名蠅又名蛹

蜚蠊女注小黑蟲赤頭喜自經死故曰縊女音義

顯蜚下反

字林下研反孫音倪案倪字下顯苦見二反疏蠅小黑縊一賜反一音翳是反喜許記反經古刑反疏蟲也赤頭喜自縊故又名縊女說文云蛻為蝶是也經即縊也晉語申生使猛足辭於狐突乃雉經於新城廟僖四年左氏傳云十二月戊申縊於新城是謂縊為經也

蚘蟊大螳注俗呼為馬蚘蟊小者螳注齊人呼螳為蚌

螿打螿注赤駮蚘蟬螿飛螿注有翅其子蚘注蚘蟻卵

周禮曰蜃蚘醬音義

蚘音毗蟬音浮螿魚綺反本亦作蚘俗作蟻字音同案說文蟻羅也

蟻或作義蟻化飛蚘也並非螿字蟬以文反郭云齊人呼蟻也字林云北燕人謂蚘蟬曰蟻蟬螿謝音聶郭

音龍打本又作打郭唐耕反孫丈耕反字林音丁駮布角反蠶於貴反說文字林從蚘翅矢攴反又吉攴反蚘

直其反蜃市軫疏此辨衆螿及其子名也螿通名也其反醬子亮反大者別名蚘蟬俗呼馬蚘蟬小者即

名螿齊人呼螿蟬方言云蚘蟬齊魯之間謂之蚘蟬西南梁益之間謂之玄蚘燕謂之蚘蟬其場謂之坻或謂

之坻是也其大而赤色斑駁者名螿一名打螿有翅而飛者名蠶即飛螿也其子在卵者名蚘可以作醢案周

禮醢人職曰饋食之豆蜃蚘醢醢則醬之有肉者故此云醬也○蚘音駒螿音蒙蚘音蟻蟬音養

次蠶蠶蠶蠶蠶蠶蠶蠶注今江東呼蝦蠶土蠶蠶蠶注在地

中布網者草蠶蠶蠶注絡幕草上者音義蠶本或作蠶郭

作蜘蛛音誅或作蛛蠶音謀又音無說文作蠶音茅云

蠶蠶作網蛛蠶也以此亦為蠶字蠶或作蠶音章悅

反本或作疏此辨蠶方言及在土草之名也蠶即蠶

擬拾字非疏別名也又一名蠶今江東呼蠶說

文謂之蠶作網蠶也方言云自關而西秦晉之間

謂之蠶自關而東趙魏之郊謂之蠶或謂之蠶

北燕朝鮮洌水之間謂之蠶又云齊人又呼社公

亦言網公其在地中布網者名土蠶其作網絡幕草

上者名草蠶也○蠶音

蠶蠶音史蠶音毒蠶音余

土蠶注今江東大蠶在地中作房者為土蠶啖其子即

馬蠹今荆巴間呼為蠹木蠹注似土蠹而小在樹上作

房江東亦呼為木蠹又食其子音義

蠹本又作蠹匹凶反字又作蜂說文

云古蠹字字林云飛蟲螫人者蠹音墀又示延反蓋方言也郭音憚徒旦反疏此辨蠹在土文云蠹飛蟲螫人者其形大在地中作房而啖其子者名土蠹又名馬蠹今荆巴間呼為蠹其形差小在樹上作房者名木蠹亦食其子蠹讀為蚤賣之賣故音之

蠹蟻螬注在糞土中螬蟻蝮注在木中今雖通名為蝮

所在異音義

蟻扶味反又扶云反蟻本又作齊疏此辨徂西反螬音曹螬徂秋反蝮音昌蝮在

土在木之異名也其在糞土中者名蟻蟻又名蟻螬其在木中者方言云闕東謂之螬蟻梁益之間謂之蝮上

也

蛭 蛭至掌注未詳國貉蟲蠻注今呼蛹蟲為蠻廣雅云

土蛹蠻蟲音義

蛭郭豬秩反施徒結反蛭如由反貉戶各反蠻許兩反說文云知聲蟲也司馬

相如作幽疏此蛹蟲也今俗呼為蠻一名國貉一名蟲字蛹音勇蠻說文云知聲蟲也廣雅云土蛹蠻蟲是也

蠖 蚘蠖注今蚘蚘音義

蠖枉略反字林於郭反蚘音尺易云尺蠖之屈以求伸也亦作

尺蚘子逸反又音即蚘子疏蠖一名蚘蚘郭云今蚘蚘六反字林云蚘蚘蚘蚘疏方言云蠖蚘謂之蚘蠖郭

云又呼步屈說文云蠖屈伸蟲也易係辭云尺蠖之屈以求伸者是也○蠖音即蚘音叔

果羸蒲盧注即細腰蟲也俗呼為蠓蝓螟蛉桑蟲注俗

謂之桑蠆亦曰戎女音義

果本又作螺又作蝸同工火反羸魯果反腰一送反蠓於

結反又於計反蠓烏紅反廣雅云蠓蝓土蜂也案今俗

呼細腰小蜂為蠓蝓在物中作房用土為隔非土蜂也

螟亡丁反蛉力疏案詩小雅小宛云螟蛉有子果羸負

丁反蠆音萬之果羸一名蒲盧即細腰蟲也俗呼

為蠓蝓方言云蠓燕趙之間謂之蠓蝓其小者謂之蠓

蝓鄭注中庸以蒲盧為土蠓說文云細腰土蠓也天地

之性小腰純雄無子螟蛉一名桑蟲一名桑蠆一名戎

女陸璣云螟蛉者桑上小青蟲也似步屈其色青而細

小或在草萊上果羸土蟲也似蠓而小腰取桑蟲附之

於木空中七日而化為子法言云螟蛉之子墮而逢果

羸祝之曰類我類

我久則肖之是也

蝟桑蠹注即蝟蝟熒火即炤注夜飛腹下有火音義

音蝟

昌蝟去一反蝟五勿疏熒火一名即炤夜飛腹下有火反熒戶局反炤音照蟲也本草一名夜光一名熠燿月令季夏腐草為熒腐草此時得暑濕之氣故為熒至秋而天沈陰數雨熒火夜飛之時也詩東山云熠燿宵行是也

密肌繼英注未詳音義

肌居疑反繼字又作蠶音計

蝟烏蠹注大蟲如指似蠶見韓子音義

蝟烏革反蠹音蜀說文云桑中

蟲也郭云大蟲如指似蠶也

疏

蝟一名烏蠹形似蠶而大如指詩大雅韓奕云條革金厄毛亦云厄烏蠹

大如指似蠶注見韓子案韓子內儲說上七術其三曰信賞盡能云蠶似蛇蠶似蠹人見蛇則驚駭見蠹則毛

起然而婦人拾蠶而漁者握螿利之所
在則亡其所惡皆為益賁是其事也

蠓 蠓 注小蟲似蚋喜亂飛音義

結莫孔反下同蠓亡
反蚋人銳反字林

人劣反秦人謂蚊為蚋

疏

小蟲似蚋亂飛者也名蠓又名蠓蠓列
子云生朽壤之上因雨布生得陽而死

一名醯雞莊子云孔子與老聃語出告顏回曰丘之
於道也其猶醯雞與郭象曰醯雞者甕中蠓蠓是也

王蚨 蜴 注即螿蟴似鼈龜在穴中有盖今河北人呼蚨

蜴音義

蚨大結反字林音秩蜴字林音湯或
音蕩又音唐螿丁結反蟴丁郎反
疏此鼈龜之一種

也一名螿蟴穴居布網穴口
有盖河北人呼蚨蜴者是也

螿 桑 繭 注食桑葉作繭者即今蠶
繭由樗繭注食樗葉

棘繭注食棘葉藥繭注食藥葉虻蕭繭注食蕭葉皆蠶

類音義

蠶音象繭古典反雉市由反樗恥余反棘居力反藥力九反虻戶剛反蕭先條反

疏此

皆

蠶類作繭者因所食葉而異其名也食桑葉作繭者名蠶即今蠶也食樗葉棘葉藥葉者名雖由食蕭葉作繭

者名
虻也

翥醜罅注剖母背而生蠹醜奮注好奮迅作聲強醜拈

注以脚自摩拈逢醜蠶注垂其腴蠅醜扇注好搖翅音

義翥于據反罅呼暇反剖普口反奮甫問反迅音信又音峻強其良反拈力活反李孫云以口拈其翅郭云

以脚自摩拈逢李孫郭並闕讀而謝孚逢反施作蠹音終案上有蠹醜奮依謝為得蠶亦作蠹羊朱反說文云

垂腴腴羊朱反蠅餘仍反扇如疏此辨蟲屬所生及所好之狀不同者也字說文作蠅云搖翼也音同

飛也醜類也蟲類能飛翥者謂蟬屬皆剖圻母背以為孔罅而生益蝗之類好奮迅作聲而飛強斬之類好以

脚自摩拊蓬類好垂其腴以伏息說文云蜚垂腴也腴即腹下也青蠅之類好搖翅自扇

食苗心螟食葉蠓食節賊食根蠹注分別蟲啖食禾所

在之名耳皆見詩音義螟亡丁反蟲食苗心者說文云蟲食穀葉者吏冥冥犯法即生

螟蠓又作蝥同徒得反蟲食葉者說文云蟲食草葉者吏乞貸即生蝥蝥亡侯反本亦作蚌說文作蝥蚌古蝥

字云吏抵冒取民則生疏此分別蟲所啖食禾所在之蝥也字林蝥音亡牛反名也李巡曰食禾心為螟言

其蝥冥冥難知也食禾葉者言假貸無厭故曰蠓也食禾節者言貪狠故曰賊也食禾根者言其稅取萬民財

貨故云蠹也孫炎曰皆政貪所致因以為名也郭璞直以蠹食所在為名而李巡孫炎並因託惡政則災由政起雖以食所在為名而所在之名緣政所致理為兼通也陸璣疏云螟似野蚘而頭不赤螻蝗也賊桃李中蠹蟲赤頭身長而細耳或說云蠹螻蝓食苗根為人患許慎云吏寘寘犯法即生螟吏乞貸則生蠶吏抵冒取民財則生蠹舊說云螟螻蝓賊一種蟲也如言寇賊姦宄內外言之爾故捷為文學曰此四種蟲皆蝗也實不同故分釋之詩小雅大田云去其螟螻及其蠹賊無害我田穉是也

有足謂之蟲無足謂之豸音義

豸文爾反無足者說文云獸長春行豸豸欲有

所同疏此對文爾散言則無足亦曰蟲月令殺也春曰其蟲麟鄭注云龍蛇之屬是也

爾雅注疏卷九

爾雅注疏卷九考證

釋木第十四

栲山樗注亦類漆樹○陸本漆作柰鄭樵曰似樗而葉
差狹樗木葉似椿江東呼為虎目葉脫處有痕如樗
蒲子又如眼目

梅柎注似杏實酢○陸疏廣要曰爾雅之梅柎乃似豫
章者古稱梗柎豫章景純不得以似杏實酢解之

被黏○說文被黏也本草別錄榘實一名被子爾雅翼

榷似黏而材光文彩如柏古謂文木通作槩

榷榷注葉新生可飼牛○陸本飼作飲

棕即來○陸本來作椌

榷榷注樹似榷檄而庫小○陸本榷作榷榷作榷

獲落注可以為杯器素○陸本杯作栝

榷榷注未詳○鄭樵曰烏白也葉可染皂子可作油

燭

狄藏榷貢棊注皆未詳○陸本藏作臧

枕繫梅○本草補遺枕子山榼一物也

料者聊注未詳○臣照按說文科高木也下文下句曰

膠高木曰料此處或應連上節言枕繫梅其料者又名聊也否則錯簡應在高木曰料之下言料者聊也詩椒聊且遠條且

魄榼榼○鄭樵曰按此俗呼朴樹其木如檀子大如梧桐子而黃

輪無疵○鄭樵曰今謂之釣樟

檉河柳○鄭樵曰殷檉也生水畔其葉經冬變紅

旄澤柳○鄭樵曰杞柳也如蘆荻可編為捲箱

楊蒲柳○鄭樵曰水楊也葉園潤樹與柳相似采薇所
謂楊柳依依

諸慮山纍注似葛而麤大○陸本麤作麤

杭魚毒○石經杭作杙鄭樵曰今南人謂之杙樹其皮
可煎汁藏梅也故編修朱彝尊曰爾雅杙魚毒郭璞
注云杙大木子似栗生南方皮厚汁赤中藏卵果陸

德明釋文云杭音元又作芡鄭樵注云今南人謂之
杭木其皮可煎汁藏梅三家之釋爾雅若是蓋杭之
用在子沈瑩臨海異物志云杭味似楮用其皮汁和
鹽漬鴨子裴淵廣州記云杭殼似栗赤色子大如栗
散布棘刺破其外皮肉白如脂肪著核不離賈思勰
齊民要術作杭子法云杭木皮淨洗細莖剉煮取汁
率二斗及熟下鹽一升和之汁極冷內壘中浸鴨子
一月煮而食之廣韻注杭木名出豫章煎汁藏果不

壞錢易南部新書云湖州歲貢黃杭子連蒂木瓜故

李景先戲蘇特曰使君貴部有三黃杭子五蒂木瓜

左文質吳興統紀云大歷元年進單黃杭子談鑰吳

興志云唐歲貢單杭子一千三百五十顆重黃杭子

一千三百顆樂史寰宇記湖州土產單杭子予嘗問

之州人莫有識者洪邁容齋隨筆云杭如蒼耳益母

莖幹不純漬以藏鴨子則染其外陶宗儀輟耕錄云

今人以米湯和入鹽草灰以團鴨卵謂曰鹹杭子按

今無錫土俗猶然坊本爾雅乃譌杭為杭於是凡詮
杭者皆以杭義釋之考諸顧野王玉篇於杭則注木
名於杭則注州名二義固秩然不紊也若單黃重黃
三黃則造杭子法有不同爾至若卞彬下酒以杭皮
為肴則又專用皮已

檄大椒○鄭樵曰秦椒也與蜀椒相似稍大而香氣減
焉俗呼樛子

寓木宛童○鄭樵曰有二種一種葉圓名蕩一種似麻

黃名女蘿

櫟其實棣○鄭樵曰亦謂之櫟一名阜斗其實作棣似
栗球而小

座接慮李○陸本座作痊

駁赤李○鄭樵曰粉李也赤而著粉

邊要棗○石經邊作籩

蹶洩苦棗○陸本洩作泄

還味捻棗○石經捻作稔毛本作稔

樸枹者○鄭樵曰即柞木也

劉劉杙注出交趾○陸本趾作趾鄭樵曰即石榴本草
謂之安石榴

大而散楸小而散榎○陸本散作散

灌木叢木○陸本灌作灌

桑辦有甚椀○石經辦作辦

檉樸心○陸本樸作樸

棧木干木注檀木也○陸本檀作檀

立死榴○陸本榴作苗

弊者翳○陸本弊作蔽

樅松葉柏身○鄭樵曰此良材也今謂之松蘿

柷州木髦柔英注皆未詳○石經柷作祝

椒椒醜菜○陸本椒作菜石經椒作椹

瓜曰華之桃曰膽之棗李曰寔之楨梨曰鑽之○石經

寔作寔

木族生為灌○陸本灌作積

釋蟲第十五

蠶茅蠋○石經蠶作蠶

蝓蝻強蚌注今米穀中蠹小黑蟲是也○臣照按揚子

方言螳螂或謂之蚌蚌蝓蝻謂之強蚌說文作羊音
是郭音注俱誤螳螂有斧故曰強若从虫羊則是米
蟲矣

不過當蠖注塘螂別名○陸本塘作螳

蟋蟀蚤注亦名青蛭○陸本青蛭作蜻蛚

草蝨負蠶○陸本負作蝨

蜚蠊蝨蟻注俗呼蝨蟻○陸本蝨蟻作春黍

蠹蚓豎蚕注江東呼寒蚓○陸本寒作寒

莫貊蠹娘蚌○陸本蠹作蠹

虹蛭負勞注或曰即蜻蛉也○陸本勞作勞蜻作青

蟠鼠負注甕器底蟲○陸本甕作瓮

蠶羅注蠶蠶○臣照按下文既以蛹為蠶蛹則此蠶字

或即白蛾蓋上文是蟬白魚以類見也漢文帝紀建

昭元年秋八月有白蛾羣飛蔽日師古注蛾若今之
蠶蛾類也又古今注飛蛾善拂燈或因是得羅之名
翰天雞○陸本翰作翰

傅負版注未詳○臣照按唐柳宗元蝻蝻傅蝻蝻者善
負小蟲也行遇物輒取印其首雖困劇不止似即此
蟲也

蜺縊女注喜自經死○陸本喜作喜

次蠹蠹蠹蠹蠹注今江東呼蠹蠹○陸本蠹作掇

土鼈鼈○鄭樵曰土中者能毒人俗謂天蛇

蠨蛸長跨○陸本蠨作蠨

蛭蝮至掌注未詳○

臣照

按蛭蝮當是肌蝮俗名蠹蛟

說文多足蟲也周禮秋官赤友氏凡隙屋除其狸蟲
注狸蟲處肌蝮之屬又作蝮蝮淮南子說林訓曹氏
之裂布蝮者貴之注曹布燒以傅蝮蝮瘡則愈故蝮
者貴之

果羸蒲盧注即細腰蟲也○石經羸作羸陸本腰作要

熒火即焰○陸本熒作螢

密肌繼英注未詳○鄭樵曰釋鳥有此誤重出耳

蚘烏蠋○陸本烏作鳩

蠓蟻蠓注小蟲似蚋○陸本蚋作蝻

雥由擣藹○陸本雥作雥

翦醜罅○陸本罅作罅鄭樵曰醜僻也猶人性之有僻

然翦即蛀字借用耳此即蛀虫之有角甲者蓋齧桑


類也罅張折也此蟲之僻在於張角折甲臣照按若

如鄭說以翥為蛀則罅字當作罅隙解未有蛀類不鑽罅隙者如下文螟蟻之類是也

食苗心螟食葉蟻食節賊食根蠹○石經蟻作蟻陸本作蝨賊作蛾鄭樵曰螟極纖細在苗之心若木中有蠹然今農家忌大小暑日降一種霏微者云即此蟲降也蟻詩作螽一種虫似螟蛉食苗葉而卷為房賊即草虫類雖亦食葉好食節蠹未詳陸璣謂螻蛄據螻蛄雖穴土以居然亦取葉於穴中而食之元不食

根惟陸田有之

爾雅注疏卷九考證



覆校官編修臣查 瑩

校對官編修臣朱依魯

謄錄監生臣周 元